

nientis. O ergo, quem nemo quererit vere, et non invenit, quippe cum ipsa veritas te querendi in conscientia querentis non suspectum jam habeat responsum aliquatenus inventæ veritatis; invenimus, ut iuveniamus te; veni in nos, ut eamus in te, et vivamus in te, quia vere non est volentis, neque

A currentis, sed tui miserentis. Tu prior inspira, ut credamus; tu conforta, ut speremus; tu provoca et accende, ut amemus; totumque de nobis tuum sit, ut bene nobis in te sit, in quo vivimus, moveamur et sumamur.

ÆNIGMA FIDEI.

(*Bibliotheca Cisterciensis* t. IV, p. 93.)

Humanæ infirmitatis religiosa confessio est, de Deo hoc solum nosse, quod Deus est. Cæterum essentiam ejus vel naturam, et secreta illa imperscrutabilis judicij ejus decreta investigare quidem et perscrutari pium est: quæ tamen cum mens terrena non penetret, inscrutabilia et investigabilia esse confitendum est. Quorum alterum religiosæ voluntatis est, alterum imperscrutabilis naturæ. Unde et Apostolus, cuius fidem homo sæculi non capit, et cuius sensus dicta alius præterquam ipsius verba non explicant, perscrutando et investigando ea stupet: et dicit: « O altitudo divitiarum sapientiae et scientiae Dei: quam incomprehensibilia sunt judicia ejus, et investigabiles viæ ejus (*Rom. ii.*). » Ubi ergo tanta fortitudo trepidat, humanæ verecundiae modum religiosa omnipotentie fides concludat, neque se infirmitas intelligentiae nostræ ad perscrutanda ea quæ perspiciendi naturam non habent, extendet. Si enim cœntribus solis claritatem virtus cœntruentis virtute luminis obstupescit, intantum, ut si quando causam radiantis lucis sollicitius acies curiosæ contemplationis inquirat, usque ad emortuum videndi sensum oculorum natura revocetur, accidatque magis nitendo videre ne videat: quid nobis in Dei rebus et sole justitiae exspectandum est? Nonne volenti supersapere incumbet stultitia? Nonne ipsum acre intelligendi lumen stupor hebetis desipientiae occupabit? Non enim causa inferior causam naturæ potioris intelligit, nec subjetat humanæ conceptioni ratio cœlestis. Nam intra conditionem infirmitatis erit, quidquid infirmi hominis conscientiae subdetur. Sed in quantum ratio cœlestis se permittit intelligi, in tantum expetenda est; ne si contenti ejus indulgentiae moderamine non sumus, amittamus indulta. Estne ergo in Deo, quod percipi possit? Est plane, si modo hoc velis, quod possis. Cæterum si ultra quam potes, speres, id quoque quod potuisti, non poteris. Visio namque facie ad faciem, et plena cognitio nemini hic datur, sed pro merito fidei, qua credimus hic quod non videmus, in futuro promittitur. Habetus enim interim hic promissorum bonorum lumen in fide: in qua tanquam per speculum et in ænigmate felicium rerum, et futurorum bonorum imaginem intuemur. Si enim queritur, utrum in

B hac vita mortali a mortali homine potest videri Deus, respondemus, potest: sed non corporeis oculis, sicut videmus hunc solem; vel mentis obtutu, sicut unusquisque semetipsum videt aliquid querentem aut scientem; sed fide, quæ canonistarum Scripturarum auctoritate muniatur.

Visus est tamen a Patribus ea specie quam voluntas elegit, non natura formavit (*Auc. epist. 112*).

« Deum enim nemo vedit unquam, » ait evangelista Joannes (*Joan. i*); utique sicut videntur ista, quæ visibilia dicuntur. Propter quod et continuo subjunxit: « Unigenitus qui est in sinu Patris, ipse narravit. » Deum enim corporeis oculis istis nemo unquam vedit; sed narrante Unigenito, qui est in sinu Patris, narratione ineffabili, creatura rationa-

Clis munda et sancta impletur de visione ineffabili: quæ sic potest intelligere narrantem, sicuti verbū non sonus auribus strepens, sed imago mentibus intoscens, ut illud ei interna et manifesta luce clarescat, quod dictum est a Domino: « Philippe, qui video me, vides et Patrem (*Joan. xiv*). » Desiderium enim veraciter piorum, quo videre Deum cupiunt, non, ut opinor, in eam speciem flagrat contuendam, qua quando vult, sicut vult, apparel quod ipse non est, sed in eam substantiam, qua ipse est id quod est. Videri enim hic mundo corde potest, comprehendendi non potest. Sed in hac quæstione Deum videnti, plus mihi videtur valere vivendi modus, quam loquendi. Nam qui didicerit a Domino Iesu Christo mitis esse et humilis corde, plus in hoc cogitando et orando proficiet, quam legendo vel audiendo, quam vis nonnunquam et legendō et audiendo proficiat. Nemo autem se dicat velle Deum videre, qui mundando cordi curam tantæ rei dignam noluerit impendere. Nemo enim valet Deum videre et vivere; quia necesse est attrahi ab hac vita mentem, quæ in illius visionis ineffabilitatem assumitur. Alterius namque et potioris vite est visio illa, quæ in futuro promittitur, sed jam hic in cunctis illis gracie inchoatur.

Unigenitus ergo Filius Deitatis naturam atque substantiam insonabiliter narrans dignis idoneisque oculis tanto conspectui, etiam in hac vita invisibiliter monstrat: et qui potest Deum invisibili-

ter videre, potest etiam et invisibiliter adhaerere. Deus enim invisibilis et incorruptibilis, « qui solus habet immortalitatem, et lucem habitat inaccessiblem, quem nemo hominum videt, vel videre potest (*I Tim. vi*), » per id quod videt homo corporeus corpora, per hoc ab hominibus videri non potest. Qui si et mentibus piorum esset inaccessiblem, non diceretur : « Accedite ad eum, et illuminamini (*Psalm. xxviii*). » Et si mentibus piorum esset invisibilis, non diceretur, « quia videbimus eum sicuti est (*I Joan. iii*). » Perspiciamus totam ipsam Epistolam Joannis. Dilectissimi, inquit, « nunc Filii Dei sumus, et nondum apparuit quid erimus. Scimus autem, quoniam cum apparuerit, similes ei erimus, quoniam videbimus eum sicuti est (*ibid.*). » In tantum ergo eum videbimus, in quantum similes ei erimus : et inde eum videbimus, unde similes ei erimus, mente scilicet : quia et nunc instantum non videmus, in quantum dissimiles ab eo sumus. Quis autem vel deinceps dixerit, corpore nos similes Deo fore? In interior ergo homine similitudo ista est, qua renovatur homo de die in diem in agitatione Dei, secundum imaginem ejus qui creavit eum : ubi tanto ei efficiuntur similiores, quanto magis in ejus cognitionem charitatemque proscimus ; et instantum eum propinquius ac familiarius videamus, in quantum cognoscendo eum ac diligendo efficiunt ei similiores. In quo quantuscunque hic profectus fuerit, longe est ab illa perfectione, qua Deus videbitur sicuti est facie ad faciem : ubi tanta erit excellentia, ut multo plus adipiscatur charitas, quam vel fides credidit, vel spes desideravit : plus inveniat adeptio, quam formabat cogitatio. Regio namque est illa viventium ac videntium, intellectualium et intelligibilium, ubi sine ulla corporis similitudine veritas cernitur, nullis opinionum falsarum nebulis offuscatur. Ibi enim sicut in Trinitate quae Deus est, mutuo se vident Pater et Filius, et mutuo se videre, unum eos esse est, et hoc alterum esse, quod alter est ; sic qui ad hoc prædestinati sunt, et in hoc assumpti fuerint, videbunt Deum sicuti est, et videndo efficiuntur sicut ipse est, similes ei. Ubi etiam sicut in Patre et Filio, quæ visio, ipsa unitas est ; sic in Deo et homine, quæ visio, ipsa similitudo futura est. Spiritus sanctus unitas Patris et Filii, ipse etiam charitas et similitudo Dei et hominis ; sed aliter in summa essentia, aliter in inferiori natura. Ibi enim videbitur claritas Domini, non per visionem significantem, sive corporalem, sicut visa est in monte Sina (*Exodus. iii*), sive spiritualem sicut vidit Isaías (*Isai. vi*), vel Joannes in Apocalypsi (*Apocalypse. i*), sed per speciem ; non per speculum et in ænigmate, sicut hic videtur ab hominibus qui digni sunt hac visione, quantum eam capere potest mens humana secundum assumentis gratiam, sed facie ad faciem. Quod quisquis arbitratur homini vitam istam mortalem adhuc agenti posse contingere, scilicet ut dimoto atque discussu omni nubilo phantasiarum corporalium atque car-

A narium, serenissima incommutabilis veritatis luce potiatur, et mente penitus a consuetudine vitæ hujus alienata, illi constanter et indeclinabiliter hæreat : nequaquam quid querat, intelligit. Alterius enim vitæ hoc est ; et quisquis omnia que ibi habenda sunt vult hic habere, ostendit se fidem non habere. Sed credenti colligitur meritum, videnti redditur præmium.

Credat ergo potius sublimi auctoritali minimeque fallaci, quandiu sumus in corpore, peregrinari nos a Domino, et ambulare nos per fidem, non per speciem (*I Cor. v*) ; ac sic perseveranter retinens atque custodiens fidem, spem et charitatem, intendat in speciem, ex pignore Spiritus sancti, quod acceptimus ; qui nos docebit omnem veritatem, cum Deus qui suscitavit Dominum Jesum Christum a mortuis, vivificabit et mortalia corpora nostra per inhabitantem Spiritum ejus in nobis. Prius autem quam vivideatur, hoc quod mortuum est propter peccatum, procul dubio corruptibile est, et aggravat animam. Quæ quando adjuta excedit hanc nebulam qua tegitur omnis terra, id est hanc carnalem caliginem qua tegitur omnis vita terrena, tanquam rapida coruscatione perstringitur, et in suam infirmitatem reddit, vivente desiderio quo rursus erigatur, nec sufficiente munditia, qua figuratur. Quod quanto quisque magis potest, tanto major est ; quanto autem minus, tanto minor. Si autem nihil adhuc tale mens hominis experta est, in qua tam u habitat Christus per fidem, insistendum est minuen-
C dis et mortificandis concupiscentiis carnis et oculo- rum, et superbis vitæ hujus ; et cum morsis ac-
tione virtutis omni studio fidei robur addendum,
quoadusque perfecte mortificatus ea morte de qua dictum est Moysi : « Non enim videbit me homo et
vivet (*Exodus. xxxiii*) ; » incipiat vivere ea vita, de
qua item Dominus dicit, orans Deum Patrem pro
discipulis suis : « Ille est autem vita æterna, ut con-
gnoscant te Deum verum, et quem misisti Iesum
Christum (*Joan. xvii*). »

D In quo qui evigilavit jam in Deum, Spiritus sancti calore excitatus, atque in ejus amore coram se ipse viluit sibi ; volensque intrare ad eum nec valens, eoque lucente sibi attendit in se ; invenitque se et suam ægritudinem illius munditiae contemplari non posse : flere dulce habet, et eum precari, ut etiam atque etiam misereatur, donec exuat totam miseri-
am, et precari cum fiducia jam gratuito pignore salutis accepto per ejus unicum Salvatorem homi-
num et illuminatorem. Hunc vero ita egentem et dolentem scientia non inflat, quia charitas ædificat. Præposuit enim scientiam scientię ; præposuit scire infirmitatem suam, magis quam scire mundi mœnia, fundamenta terrarum et fastigia cœlorum ; et haec apponendo scientiam apposuit dolorem, dolorem peregrinationis suæ ex desiderio patriæ sue, et Conditoris ejus beati Dei sui. In hoc genere homi-
num, in familia Christi tui, Domine Deus meus, si inter pauperes tuos gemo pauper, da mihi de pane

tu: et quærentem vultum tuum, Domine; requiri-
rentem et esurientem et sitiensem justitiam tuam
in contemplatione vultus tui; da mihi satiari de-ve-
ritate tua, non de phantasmate cordis mei; ne re-
pellendo tuam veritatem, resiliam et recidam in
vanitatem meam. Ego certe sentio quam multa
figmenta pariat cor humanum. Quid enim est cor
meum, nisi cor humanum? Sed hoc oro te Deum
cordis mei, ut nihil ex his figmentis, mihi pro so-
lido vero inhæreat; sed inde veniat mihi lumen ve-
ritatis tue, unde mihi quamvis projectio a facie oculi
lorum tuorum, et de longinquu redire conanti per
viam quam stravisti nobis humanitatem Unigeniti tui,
aura veritatis ejus aspergitur: quam intantum, licet
mutabilem, grataanter haurio, inquantum in ea nil
mutabile video; nec locis et temporibus sicut cor-
pora; nec solis temporibus, et quasi locis, sicut spi-
rituum nostrorum cogitationes, nec solis temporibus,
et nulla vel imagine locorum, sicut quædam mentium
nostrarum rationcinationes. Omnino enim essentia
tua, qua es quod es, nihil habet mutabile, nec in
æternitate, nec in veritate, nec in voluntate; quia
æterna ibi est veritas, et vera ibi est charitas, vera
æternitas, et chara ibi est æternitas, chara veritas.
Idcirco namque, quoniam exsulavimus ab incom-
mutabili gaudio, nec tamen inde præcisi sumus vel
abrupti, ut non etiam in istis mutabilibus et tempo-
ralibus æternitatem, veritatem, beatitudinem, quæ-
ramus: nec mori enim, nec falli, nec perturbari vo-
lunus; missa sunt nobis divinitus, missa congrua
peregrinationi nostræ, quibus admoneremur, non
hic esse, quod quærimus; sed illuc ab ista esse redi-
endum; unde nisi penderemus, hic ea non quære-
remus. *Cum* enim *venit plenitudo temporis misit*
Deus Filium suum, factum est nūliere, factum sub
lege (Galat. iv 1): usque adeo parvum, ut factum;
et eo utique missum, quo factum. Venit mira do-
cens et mirabiliter ea hominibus persuadens:
contemptum eorum quæ videntur, præ amore
eorum quæ non videntur; contemptum sui, præ
*amore Dei. Venit incredibilia faciens, et incre-
dibilis ea hominibus credenda contradens. Humi-
nitas enim est Dominus Jesus Christus, ut nos hu-
miles esse doceret. Conceptus est continens omnia,*
*natus est gignens omnia, mortuus est vivificans om-
nia. Post triduum resurrexit et ascendit in celum,*
et humanam carnem quam assumpserat ad Patris
dexteram collocavit. Mirabile hoc est: sed multo
mirabilius est totum mundum reum tam incredibilem
credidiisse.

Quod et si ipse modus consideretur a nobis, quo
credidit mundus, etiam ipse vere divinus advertitur
*et valde mirabilis invenitur. Ineruditos namque li-
beralibus disciplinis, et omnino quantum ad doctri-
nas sæculi pertinet, impolitos homines, non peritos
grammatica, non armatos dialectica, piscatores
Christus cum retibus fidei ad mare sæculi paucissi-
mos misit, duodecim, ex quibus unus abiit retror-
sum. Et tamen sic per eos omni genere piscium re-*

A plevit Ecclesiæ, ut plurimi etiam ex ipsis sapienti-
bus sæculi; quibus videbatur ignominiosa crux
Christi, ea in fronte signentur; et de qua erube-
scendum putabant, eam in arce pudoris constituant.
Cum ergo ægrotaret totus mundus, hoc modo venit
ad eos Verbum Dei carne velatum, ad sanandum
eum de interitionibus suis, manibus suis medica-
menta consciens, et spargens ea super morbos orbis
terrarum, Evangelium regnum quod predicandum erat
in universo mundo, et Scripturam Veteris et Novi
Testamenti, quæ de ipso est. Tantamque ei dedit
auctoritatē in universo mundo, quantam habere
oportebat rem per quam Deus iunctescere vellet ho-
minibus, et ab hominibus credi sibi. Cui cum se
humiliter credunt homines, et credendo ei subjiciuntur;
ipsa est fides per quam mundantur beati
mundo corde, quibus hoc promittitur videndum, vi-
suri nonnisi per fidem mundantur. Quia enim ad
æterna capessenda idonei non eramus, sordesque
peccatorum nos prægravabant temporalium rerum
amore contractæ, et de propagine mortalitatis tan-
quam naturaliter inolitæ, purgandi eramus. Purgati
autem ut contemperaremur æternis, nonnisi per
temporalia poteramus; quamlibet jaū contemperi-
tenebamur.

Quia enim in temporalia devenimus, et eorum
amore ab æternis impedimur, quædam nos tempo-
ralis medicina suscipit curandos; quæ non scientes,
sed credentes ad salutem vocat, non naturæ excel-
lentia, sed temporis ordine prior. Nam in quem lo-
cum quisque ceciderit, ibi debet incumbere et inniti
ut resurgat. Formæ carnales amore suo nos deti-
nent, in quem per consensum peccati cecidimus,
ipsis innitendum est, ut surgamus. Idcirco Filius
Dei qui in forma Dei erat, exinanivit semetipsum
formam servi accipiens, ut homines in homine Deum
credendo recipientes, accepta potestate, efficerentur
filii Dei. Non enim ad eum qui ubique præsens est,
locis movemur; sed bono studio bonisque moribus.
Quod non possemus, nisi ipsa sapientia tantæ in-
firmitati nostræ congruere dignaretur, et vivendi
robis præberet exemplum, non aliter quam in ho-
mine, quoniam et nos homines sumus. Sed quia
nos cum ad illam venimus, sapienter facimus; ipsa
cum ad nos venit ab hominibus superbis quasi stulta
fecisse putatur. Et quoniam nos cum ad illam veni-
mus, convalescimus; ipsa cum ad nos venit, quasi
infirmata est. Sed quod stultum est Dei, sapientius
est quam homines; et quod infirmum, fortius quam
homines. Cum ergo omnibus modis medeatur animis
Deus pro temporum opportunitatibus, quæ mira sa-
pientia ab ipso ordinantur, nullo modo beneficen-
tius consuluit generi humano, quain cum ipsa Dei
sapientia, id est unicus Filius consubstantialis Patri
et coæternus, totum hominem suscipere dignata
est, Verbum caro factum est, et habitavit in nobis.
Ita enim demonstravit carnalibus, et non valenti-
bus intueri mente, veritatem, corporeisque sensi-
bus deditis, quam excelsum locum inter creaturas

habent humana natura; quod non solum visibiliter, nam id poterat et in aliquo æthereo corpore ad nostrorum aspectuum tolerantium temperato, sed hominibus in vero homine apparuit. Ipsa enim natura suscipienda erat, quæ liberanda: et ne quis forte sexus a suo Creatore se contemptum putaret, virum suscepit, natus ex semina est. Nihil egit vi, sed omnia suadendo et monendo.

Vetere quippe servitute transacta, tempus novae libertatis illuxerat, et opportune jam homini suadebatur atque salubriter, quam libero creatus esset arbitrio. Miraculis conciliavit fidem Deo, qui ipse erat; passione homini, quem gerebat. Satellites voluptatum divitias perniciose populi appetebant; pauper esse voluit. Honoribus et imperiis inhibabant: Rex esse noluit. Carnales filios magnum bonum putabant; tale conjugium proleisque contempnauit. Contumelias superbissime horreabant; omne genus contumeliarum sustinuit. Injurias intolerabiles esse arbitrabantur: quæ major injuria, quam justum innocentemque damnari? Dolores corporis execrabantur; flagellatus atque cruciatus est. Mori metuebant; morte multatus est. Ignominiosum genus mortis cruxem putabant; crucifixus est. Omnia quæ habere cupientes non recte vivebamus, carendo vilificerunt. Omnia quæ vitæ cupientes a pietatis studio deviabamus, perpetiendo dejecti. Nullum enim peccatum committi potest, nisi dum appetuntur ea, quæ ille contempsit; aut fugiuntur, quæ ille sustinuit. Tota igitur vita ejus in terris, per hominem quem suscipere dignatus est, disciplina morum fuit. Quæ cum incunctanter creduntur, et cum fide cogitantur ad diligendum quod creditur, et videndum sicut creditur, quid nisi mundatur cor, ad videndum quod mundis cordibus promittitur?

Quoniam vero divina providentia non solum singulis hominibus quasi privatum, sed et universo humano generi tanquam publice consultit; quid cum singulis agatur, ipse Deus scit, qui agit, atque ipsi cum quibus agitur sciunt; quid autem agatur cum genere humano per historiam commendari voluit, et per prophetiam, et ad utrumque fidem habenda est, ut unusquisque hominum fidelium, et ex eo quod singulariter a Deo accepit, et ex eo quod cum genere humano, credit fideliter cum Deo spiritum suum. Temporalium autem rerum fides, sive visibilem, sive invisibilem, magis credendo quam intelligendo valet; ubi nisi creditur quod dicitur, nulla prorsus ratione id persuaderi potest. Hujus ergo religionis sectandæ caput est historia et prophetia temporalis dispensationis divinæ providentie, pro salute generis humani in æternam vitam reformandi atque reparandi. Quæcum credita fuerint, mentem purgabit vitæ modos divinis præceptis conciliatus, et exemplis conformatus; et idoneam faciet spiritualibus percipiendis, quæ nec præterita sunt nec futura; sed eodem modo semper manentia, et nulli mutabilitati obnoxia; id est, unum ipsum Deum, Patrem, et Filium, et Spiritum sanctum.

A tum. Et visibilem quidein rerum prieteriarum, quæ temporaliter transierunt, sola fides est; quoniam non adhuc videnda sperantur, sed facta et transacta creduntur, sicut est illud, quod Christus semet pro peccatis nostris mortuus est et resurrexit; quod jam non speratur futurum, sed tantum diligitur factum. Ea vero quæ nondum sunt, sed futura sunt, ita creduntur, ut etiam videnda sperantur, et etiam diliguntur; sicut est spiritualium corporum nostrorum resurrectio, licet ostendi modo nullo possint modum. Quæ vero ita sunt, ut neque prætereant, neque futura sunt, sed æterna permaneant; partim sunt invisibilia, sicut sapientia et justitia; partim visibilia, sicut Christi jam immortale corpus. Sed invisibilia intellecta conspiciuntur, ac per hoc et ipso modo quodam sibi congruo videntur; et cum videntur, multo certiora sunt, quam ea quæ corporis sensus attingit. Sed ideo dicuntur invisibilis, quia oculis istis carnalibus videri omnino non possunt. At illa quæ visibilia sunt permanentia, possunt, si ostendantur, etiam his corporalibus oculis ostendi; sicut Dominus semetipsum discipulis post resurrectionem ostendit (*Matth. xxviii*); et post ascensionem Paulo apostolo (*I Cor. xv*) et Stephano diacono (*Act. vii*). Proinde ista visibilia permanentia ita credimus, ut, etiamsi non demonstrentur, speremus ea nos quandoque visuros; nec ea connumer ratione intellectuque comprehendere, nisi ut ea quia visibilia sunt, ab invisibilibus quasi distinctius cogiteamus, cogitatione ea sicut occurserint imaginantes, com sæpius aliter sint, quam quomodo ea imaginamur. Justitiam vero et sapientiam, et quidquid ejusmodi est, non aliter imaginamur; aliter contuemur; sed hæc invisibilia mentis atque rationis intentione intellecta conspicimus sine ullis formis vel molibus corporalibus; sine ullis figuris ligamentisque membrorum, sine ullis localibus finibus, sive spatiis infinitis.

Similiter contuemur et lumen ipsum, quo cuncta ista discernimus, speciem scilicet æternæ rationis: in qua nobis satis appareat, quid credamus incognitum, quid cognitum teneamus: quam formam sensu corporis recordemur, quam cogitatione fingamus; quid corporis sensus attingat, quid imaginetur animus simile corpori, quid certum et omnium corporum dissimillimum intelligentia contempletur. Hoc euina lumen, ubi hæc cuncta dijudicantur, non utique, sicut hujus solis et cuiusque corporei luminis fulgor, per localia spatia circumquaque diffunditur, mentemque nostram quasi visibili splendore collastrat; sed invisibiliter et ineffabiliter, et tamen intelligibiliter, lucet: tamque nobis certum est, quam nobis efficit certa, quæ secundum ipsum cuncta conspicimus.

Cum autem tria sint rerum genera, quæ videntur, unum corporeum, sicut hoc caelum et terra ista, et quidquid in eis corporeus sensus cernit et tangit; alterum simile corporalibus, sicut sunt ea quæ spiritu cogitata imaginamur, sive recordata vel obliterata

quasi corpora conlueinur : unde sunt etiam visiones A quæ in somnis vel in aliquo mentis excessu his quasi localibus quantitatibus ingeruntur ; tertium ab utroque discretum, quod neque sit corpus, neque habeat aliquam similitudinem corporis, sicuti est sapientia, quæ mente intellecta conspicitur, et in ejus luce de his omnibus veraciter judicatur : in quo istorum generum credenda est, quam nosse volumus, Trinitas Deus ? Profecto aut in aliquo, aut in nullo. Si in aliquo, eo utique quod est alius duobus præstantius, sicut est sapientia. Quod si dominum ejus in nobis est, et minus est quam illa summa et incommutabilis sapientia, quæ Dei sapientia dicitur ; puto quod non debemus dono suo inferius cogitare donantem. Si autem aliquis splendor ejus est in nobis, quæ nostra sapientia dicitur, quantumcunque ejus per speculum et in ænigmate capere possumus, oportet ut eum et ab omnibus corporibus, et ab omnibus corporalibus secernamus.

Si autem in nullo generum horum pronuntianda est esse ista Trinitas, et sic est invisibilis, ut nec mente videatur, multo minus de illa opinionem hujusmodi habere debemus, ut eam rebus corporalibus, vel corporalium rerum imaginibus similem esse credamus. Non enim corpora pulchritudine aut molis magnitudine superat, sed dissimilitudine ac disparilatate naturæ, etsi discreta est a comparatione bonorum animi nostri, qualia sunt justitia, sapientia, charitas, et cætera talia : quæ certe non pendimus mole corporis, nec eorum quasi corporeas formas cogitatione figuramus ; sed ea, quando recte ea intelligimus, sine aliqua corpulentia vel similitudine corpulentia in luce mentis aspicimus, quantum est ab omnium comparatione quantitatum et qualitatuum discretior ? Nec tamen eam omnino ab intellectu nostro abhorrere, Apostolus testis est, ubi ait : « Invisibilitas ejus per ea quæ facta sunt, intellecta conspicuntur ; sempiterna quoque ejus virtus ac divinitas (Rom. i). » Quapropter licet eam, in his quæ nostris adjacent sensibus corporalibus, vel quod nos ipsi in interiore homine nostro sumus, scientia comprebendere laboremus, nec sufficiamus ; non tamen impudenter in ea quæ supra nos sunt, divina et ineffabilia, pietas fidelis ardescit : quam non virium suarum arrogantia inflat ; sed gratia et desiderium ipsius Conditoris ac Redemptoris inflamat. Attendant autem homo intellectu suo quo Deum capere desiderat, nil in natura sua esse melius ; et videat utrum ibi videat ulla lineamenta formarum, nitores colorum, spatiostam granditatem, parium distantiam, molis distensionem, alias per locorum intervalla motiones, vel quid hujusmodi. Nil certe tale invenimus in eo, quo in natura nostra nihil melius invenimus ; hoc est in intellectu nostro, quo sapientiam ipsam capimus, inquantum ejus capaces sumus. Quod ergo non invenimus in meliore nostro, nequaquam admittere debemus in cogitando, id quod tam incomparabiliter melius est omni meliore nostro.

B Sed tanta vis est amoris ut ea quæ cum amore diu cogitaverit humanus animus, eisque curæ glutine inhærescit, attrahat secum, etiam cum vel ad seipsum redit, sive ad eam quæ supra ipsum est, naturam divinitatis : et quia illa corpora sunt, quæ foris per sensus corporis adamavit, eorumque diuturna quadam familiaritate implicatus est, nec secum potest introrsum lanquam in regionem corporeæ naturæ ea inferre ; imagines eorum secum trahit, vir semel ipsum vel naturam, ut dictum est, divinitatis, aliud esse imaginans, quam id, sine quo eam cogitare non potest. Ilæc enim est maledictio, Domine Deus, qua maledixisti terram in opere Adam et Aliorū ejus : quam cum operati fuerint, non reddit fructum suum, sed spinas ac tribulos germinat eis, ut in sudore vultus sui comedant panem suum (Gen. iii). Et quid facient pusilli tui, filii hominis, non tali de terra terreni, quam de cœlo cœlestis, viri dexteræ tuæ quem confirmasti tibi, jam primitias spiritus habentes, et ex ipsis exspectantes redemptionem corporis sui ? Nam et ipsi intra se ingemiscunt, jam olim a peccato liberati, sed nondum a poena peccati ; ex poena primi peccatoris euntes et flentes et mittentes semina sua ; et licet viventes de mensa tua ; vix tamen aliquando nisi post lacrymosos sudores et spinosas compunctiones pane suum quotidianum accipientes de manu tua. Panis enim vivus et vivificans eis est memoria abundantia suavitatis tuæ, gratia visitationis, et alicujus visionis tuæ ; gaudium in sensu amoris tui et bonitatis tuæ. Mondo namque gaudente, ipsos permittis flere ac lugere, illis desolationem, ipsis vero promittens consolationem : vis eos esurire ac sitiare, sed promittis eis æternam satietatem. Sed facis dilationem ad exercitium amoris, rursumque nonnunquam visitationis ac visionis tuæ aliquam eis copiam facis ad solatium dilationis. Et ubi per prævenientem gratiam purum invenis voluntatem et intentionem, tu in hora illa, visitationis tuæ, virtute præsentiae et abundantia gratiae tuæ, perfidis in mente fideli puritateam ; et puritas pro captu suo meretur visionem, sed sicut Apostolus dicit, « ex parte ; per speculum, et in ænigmate (I Cor. xiii). »

C D Quandiu enim peregrinantur in carne a te Domino Deo suo, nequaquam videndi te facultatem habent, nisi ex parte, inquantum vivit in eis adhuc ex parte, quod ad vivendum te facie ad faciem, et sicuti es, perfecte tendentibus, prius mortificandum esse testatur Dominus loquens ad Moysen : « Non enim, » inquit, « videbit me homo et vivet (Exod. xxxiii). » Quod quid est, nisi corpus in nobis peccati naturaliter concretarum nobis concupiscentiarum carnis ? Hinc namque tam auxie et lacrymabiliter liberari deposcebat, qui dicebat : « Infelix ego homo, quis me liberabit de corpore mortis hujus ? Gratia Dei per Dominum nostrum Jesum Christum (Rom. vii). » Qui enim hoc dicebat, nequaquam per impatientiam hujus vitae desiderabat corporaliter mori ; sed a viventibus adhuc in eo aliquibus concupiscentiis carnis

liberari, a quibus nemo liberat, nisi gratia Dei per Dominum nostrum Iesum Christum, charitatem suam diffundendo in cordibus nostris per Spiritum sanctum, quem dat nobis (*Rom. viii.*). Ipsa namque est lex, spiritus vitae, liberans, sicut dicit idem Apostolus, a lege peccati et mortis: concupiscentiis scilicet carnis, quae sicut sordes interioris oculi hominis, impedientes eum a videndo eo; quod nonnisi mundo corde videtur: et a vita aeterna, de qua Dominus dicit: « Hæc est autem vita aeterna, ut cognoscant te Deum verum, et quem misisti Iesum Christum (*Joan. xvii.*). » Ut enim ibi videat oculus interior ad videndum Deum factus, hic mundatur, ubi inchoatur visio, quæ ibi perficitur. Inchoatur enim hic sanctitate vite, et usu divinae contemplationis; ubi amor meretur visionem, cum creditur, speratur ac diligitur, quod non videtur: perficienda ibi, ubi visio pascet amorem; cum omnis virtus erit, diligere quod habebitur, et tota beatitudo, habere quod diligitur. Idcirco dicebat, qui sic erat; et dicunt qui sic sunt: « Cupio dissolvi, et esse cum Christo: multo enim melius (*II Cor. v.*). » Sic autem sunt, qui per fidem ambulantes, et si perfecti sunt viatores, nondum tamen sunt perventores: perfecti, inquantum ea quæ retro sunt obliuii, in interiora se extendunt; viatores, inquantum adhuc in via sunt. Domine Deus cordis mei, et pars mea in aeternum, unus omnis desiderii mei, et destinatum intentionis; inter hos, quamvis longe infra eos, et dissimiliter ab eis, jam olim aggressus viam ad te per fidem ambulandi ad recte vivendum, et disciplinam cordis mundandi ad videndum te et contemplandum; in hoc couisenui, et nondum coepi.

Sæpius autem cogitanti nihil de communi fide nostra in te, sine qua impossibile est placere tibi Dominio Deo nostro, et in qua salutem omnium constitueristi; et ideo omnium esse debet, tam pusillorum in Ecclesia Dei, quam magnorum; quomodo, cum queritur apud sanctos doctores scientia ejus tantis invenitur questionum perplexitatibus involuta, tantis disputationum ænigmatibus obscurata, ut vix a paucissimis hominibus puritas ejus queat apprehendi, visum est aliquando ad felicissima illa et aurea evangelicæ simplicitatis tempora prima recurrere, et ad proprium illum stylum Spiritus sancti tui, quo per ministerium eorum, qui unigenitum tuum Salvatorem nostrum venturum in carne potuerunt prævidere, seu qui venientem meruerunt videre, primo cœpit inscribi lex spiritus vitae in tabulis cordis carnalibus credentium. Ubi cum plana omnia invenio, et rem communem tam sapientibus quam simplicibus, et quæ sic fortes exerceat, ut infirmos quosque a se non absterreat; reddit ad memoriam exhortatio illa prophetica in populum Iudeorum, quod contempserunt aquas Siloe domesticas, decurrentes cum silentio (*Isa. viii.*); ierunt in viam Ægypti bibere aquas turbidas fluminis Ægyptii (*Jerem. ii.*). Non enim sicut per alium prophetam quidam deplorant, cogimur ibi aquas nostras

A pecunia comparare, nec dare manus Ægypto et Assyriis, ut satremur pane (*Thren. v.*); sed gratis omnia accipimus. Presto ibi est omnibus divina auctoritas, cui contradicere nefas est, dicens: « Crede tantum, et salvus eris; et omnia possibilia credenti (*Marc. v.*). » Audientes ergo ibi, Domine Deus noster, dicentem veritatem: « Ite, baptizate omnes gentes in nomine Patris, et Filii, et Spiritus sancti (*Math. xxviii.*)» statim credimus in te. Patrem, Filium et Spiritum sanctum.

Neque enim Veritas hoc diceret, nisi hoc essetis. Nec baptizari nos juberet, Domine Deus, in ejus nomine, qui non esset Dominus Deus. Nec in nomine, sed in nominibus, nisi vos, Pater, et Filius, et Spiritus sanctus, essetis unus Deus. Non enim diceretur vox divina: « Audi, Israel, Dominus Deus tuus, Deus unus est (*Deut. vi.*)», nisi unus Deus essetis, qui Pater, et Filius, et Spiritus sanctus estis. Et si tu Deus Pater, ipse essem Filius tuus, Verbum tuum Christus; et ipse essem donum tuum, et donum Filius tui Spiritus sanctus, non legeremus in litteris veritatis: « Misit Deus Filium suum; » nec tu, Unigenite, dices de Spiritu sancto, qui a Patre et a te procedit: « Quem mittet Pater in nomine meo (*Joan. xix.*)»; et: « Quem ego mittam vobis a Patre (*Joan. xv.*). » Non ergo ipse Pater, qui Filius; non ipse Filius, qui Spiritus sanctus. Ad hanc regulam fidei dirigens omnem intentionem meam, quantum posse me facies, queram, Domine, vultum tuum; vultum tuum, Domine, requiram semper. Domine Deus meus, una spes mea, exaudi, ne fatigatus nolim te querere, sed queram te semper ardenter. Da querendi vires, qui voluntatem dedisti; et quantum sat erit, adaugo voluntatem quam dedisti. Meminerim semper tui, intelligam te, diligam te, donec fideliter reminiscerent tui, et sobrie intelligentem te, et veraciter diligenter te, o Trinitas Deus, juxta plenitudinem quam tu scis, reformes me ad imaginem tuam, ad quam me creasti. Totum ergo hic habeo de Domino Deo meo, quod interiu[m] quererebam, sine tormentis questionum, sine sophismatum insidiis, sine strepitu disputationum: scilicet quod sit, quod Pater, et Filius, et Spiritus sanctus sit. Hæc de Deo est mea fides; quia ipsa est catholica fides. Credo enim quod lego vel audio, quia ut credere, et hoc ipsum præcepit, qui veritatem se nominavit. Dixit enim: « Qui crediderit, salvus erit; qui vero non crediderit, condemnabitur (*Marc. xvi.*). » Et cui creditur, si non creditur veritati?

Ipse est Dominus Jesus Christus: cui qui credere, et in eum credere, noluerit, non est Christianus. Ego Christianum me profiteor; credo ei in quem credo; et credo Scripturis, in quibus vitam me habiturum confido. Hoc enim fundamentum est, quod sapientia Dei ordinavit; Verbum Dei dictavit; apostoli sicut sapientes architecti posuerunt: cui quicunque superaedificare voluerit, videat quid superaedificet; de fundamento autem securus sit. Fundamentum enim stabit: quod autem superaedificabitur

ignis probabit (*I Cor. iii*). De compositione autem fundamenti viderit ipse, qui composuit. Quid enim mihi querere? Quod in hac vita sciri non potest? Verbi gratia, quid mihi querere quomodo Trinitas ibi unitas sit, vel tres unum; cum Dominus et apostoli, et ante eos prophetæ, sic esse de Domino Deus nostro docuerunt, nec amplius aliquid addiderunt? Quod si Verbum et Sapientia Dei in hac vita nos scire voluisset, nemo melius quam ipse per semet ipsum, seu per apostolos suos in mundo hoc docuisset. Nam et sancti Patres nostri doctores Ecclesie, post apostolos, confidenter dico, si licuisset, nil amplius dixissent; nec quaudiu potuerunt, super hoc aliquid addere voluerunt. Percurramus omnem seriem canonarum Scripturarum, tam Veteris quam Novi Testamenti; nusquam quantum ad nomen Trinitatis, Trinitas Deus legitur; nusquam saltem tres esse, Patrem, et Filium, et Spiritum sanctum, invenitur nisi in Epistola Joannis, ubi dicitur: « Tres sunt, qui testimonium perhibent in celo, Pater, Verbum, et Spiritus sanctus: et hi tres unum sunt (*I Joan. i*). » Quod et ipsum in antiqua translatione non habetur.

De nomine tamen et numero tantum hoc dico, non de sensu seu intellectu Trinitatis. Sicut enim jam dictum est, Deum Patrem, et Deum Filium, et Deum Spiritum sanctum, omnes illæ Scripturæ clamant unum esse Deum. Nusquam vero ibi prædicatur in divinitate tres personæ; nusquam relativa earum prædicatio; nusquam famosum illud homousion nomen consubstantialitatis, vel saltem nomen simplicis substantiæ, nusquam ad aliquid, et si quanto his similia. Sed cum cœperunt in Ecclesia hereses suriri, contra novitatem et verborum et sensuum cœperunt hæc et hujusmodi verba seu nomina in causa fidei inveniri: sine immutatione tamen sensuum antiquorum, et corruptione canonarum Scripturarum. Propter quod etiam in idipsum auctoritatis ac reverentiae nomina ipsa apud omnes fidèles assumpta sunt ab antiquo; nomina Patris, et Filii et Spiritus sancti, et cætera antiqua nomina omnia rerum earum, quarum signa et hæc et illa sunt. In nominibus enim divinis, seu verbis quibuslibet, quibus aliquid dicitur de Deo, non tam signa ipsa nominum vel verborum attendenda sunt, quam id quod per signa ipsa designatur. Instabat enim tempus cribrandæ Catholicæ fidei, ut purgaretur; exercendæ, ut probaretur. Et ideo ineffabilis illa natura suum boni paulo indulgentius in verba humana passa est seipsam demittere, in adjutorium humanæ ad Deum pietatis; non tamen usque ad augustias humanæ rationis. Hujusmodi enim cum sint communis rationis instrumenta circa res communes; cum in causa fidei assumuntur, non nisi scandala sunt, si non rationi fidei fidelerit coaptentur. Nec renuit magnus Dominus et sapientia ejus cuius non est numerus, numerorum nomen Trinitatis in eo quod simpliciter dicebatur, Deus Pater, Deus Filius, Deus Spiritus sanctus: nec novum

A nomen homousion in eo quod qui Pater, et Filius, et Spiritus sanctus dicebantur unus Deus, alterum secundum quod alterutrum sunt; alterum secundum quod ad se sunt, et unum sunt.

Prius enītia quam in Ecclesia exsureret Sabellius, ipsum prædicans esse Patrem, qui: Filius est; ipsum Spiritum sanctum, qui Pater est vel Filius, prædicatio fidei de Patre et Filio et Spiritu sancto, non indigebat nomine Trinitatis. Quod ubi in causa fidei susceptum est, et tres cœperunt dici, Pater, Filius et Spiritus sanctus, et queri cœpit, quid tres; nec tunc, nec usque nunc inventum est, quid responderetur, sicut oportet, et secundum quod res se habet. Quod enītia dicitur, tres personæ, alia ratio est. De quo postmodum dicetur.

B Sic et priusquam insurgeret Arius, qui inæquilitatem ac dissimilitudinem astruendo, conatus est nobis ingerere turbam deorum, non nomen homousion ratio fidei ignorabat, licet sensum nominis non haberet incognitum, quod ab initio prædicabat. Nunquid enim ignorare poterant Adeles temporis illius, quod Dominus dixit: « Ego et Pater unum sumus? » (*Joan. x*). Hoc enim est homousion, nihil aliud.

C Nomen enim, sicut jam diximus, novum est, et in prædicatione fidei pro tempore necessarium; sed res eadem est. Sicut ergo contra Sabellium admissum est in causa fidei nomen Trinitatis, sic contra Arium homousion oppositum est nomen consubstantialitatis. Sicque numerus, si tamen numerus, inventus est vel assumptus in illa natura creatrice omnium, quæ pondus etiam, et mensuram, et numerum creavit, in quibus disponit cuncta quæ creavit. Quis autem, vel qualis numerus? Non augens, non minuens, non separans, non conjungens; non divisus, non confusus. Non enim quomodo in Trinitate trium hominum tres homines sunt; sic tres ibi dī astimandi vel computandi sunt. Unum enim ibi sunt, qui tres; tres, qui unum. Nec Trinitatis ibi pars tertia est unus; nec major pars duo, quam unus; nec maius aliquid tres simul, quam singuli, quia spiritualis, non corporalis est magnitudo. Tres ergo ibi, sicut propter singulorum perfectionem partes unius Dei non sunt; sic nec tres dī, seu

D perfecti seu imperfecti astimandi, seu cogitandi sunt. Ubi ergo numerus? Numerus qui ibi est, et numerus est, et numerus non est. Est enim ibi quoddam ineffabile, quod verbis explicari non potest. Cum enim dicis, Pater, Filius, Spiritus sanctus, tres numerari videantur; sed nullius ibi numerus est. Si enim queris quid tres, deficit numerus. Ubi cogitare cœperis, incipis numerare; ubi numeraveris, quid numeraveris non potes respondere. Singulus quisque ibi Deus est. Num tres dī? Absit! Singulus quisque omnipotens. Nunquid tres sunt omnipotentes? Minime. Non sunt tres dī, non tres omnipotentes, non tres sapientiæ, non tres sapientes, non tres magni, nec tres magnitudines. Substantialiter enim hæc omnia in Deo dicuntur. Et tanta est vis suæ.

Illius substantia in Patre, et Filio, et Spiritu sancto, ut quidquid de singulis ad seipso dicitur, non pluraliter in summa, sed singulariter accipiatur. Dicimus enim, Deus Pater, Deus Filius, Deus Spiritus sanctus, sed in summa non tres dicimus deos, sed unum.

Et haec generalis est regula omnium, non solum que, ut dictum est, substantialiter de Deo dicuntur; sed eorum etiam quae ad creaturam, sicut cum dicitur Creator, Dominus, et cetera talia. Hujusmodi enim, sicut sunt magnitudo, bonitas, et cetera, prout in rebus sunt, accidentia sunt; non autem in Deo. In Deo enim cum haec dicuntur, intelligendus est in quantum possumus sine qualitate bonus, sine quantitate magnus, sine indigentia Creator, sine situ praesens, sine habitu continens, sine loco ubique lotus, sine tempore sempiternus, sine sui mutatione mutabilia faciens, nihilque patiens. Cum ergo queritur de Patre, et Filio, et Spiritu sancto quid tres sint, non hoc queritur in eo quod ad alterutrum sunt, sed in eo quod sunt; nec magis tres boni, seu tres magni, vel aliquid hujusmodi, quam tres dii dici possunt, secundum supradictam regulam substantialium nominum in Deo. Sed instat humana infirmitas, numerorum et rerum numerabilium consuetudine infecta; et dicit: Omne quod relative ad aliquid dicitur, est etiam aliquid ad se, praeter id quod relative ad aliquid dicitur. Verbi gratia, tres homines sunt pater et filius, et quilibet amicus eorum. In eo quod ad se sunt, tres homines sunt; in eo quod ad invicem, pater, et filius, et amicus sunt. Nisi id quod ad se sunt, essent; quod ad invicem sunt, esse non possent. Tria ergo aliqua, seu tres aliqui ad se sunt; qui Pater, et Filius, et Spiritus sanctus ad invicem sunt. Quid tres? Quid tria? Hic nisi respondeatur, obtinuit Sabellius id, pro quo haereticus dicitur. Excedit vero supereminencia divinitatis omnem communis eloquii facultatem. Si enim rem sicut est perpendinus, procul dubio est Pater, est Filius, est Spiritus sanctus; nec ipse est Filius qui Pater, nec ipse est Spiritus sanctus, qui Pater et Filius. Tres ergo sunt. Dices: Nunquid tres essentiae? Absit! Nam secundum supradictam regulam nominum divinorum, essentia est Pater, essentia Filius, essentia Spiritus sanctus; sed tamen non tres essentiae, sed una essentia. Ergo quid tres? Deficiunt humana verba ad verba Verbi configainus. Cum enim loqueretur Dominus Iudeis de semetipso, et de Patre suo, dixerunt: « Ubi est Pater tuus? » (Joan. viii.) Ac si dicerent: Duos esse dicis, te et Patrem tuum; te videmus, ubi est Pater tuus? Respondit Dominus: « Ego et Pater unus sumus (Joan. x.) » Ac si diceret: Unum, quia unus sum cum Patre Deus, sumus, quia ego et Pater duo sumus.

Sicut ergo requisitus Dominus se et Patrem dicit esse unum; sic et nos ab eo edocti de Trinitate quae Deus est, requireanti quid tria, quid tres, respondeamus, unum. Si improbus est, et adhuc pergit querere, quid unum, dicimus, unus Deus. Nec tamen improbus erit, si homo fidelis est, ut apponat quae-

A rere, quis Deus, cum non sit nisi unus Deus, Pater, et Filius, et Spiritus sanctus: Pater ergo et Filius, non unum est, sicut dicit Sabellius, sed unum sunt, sicut dicit Dominus. Sanctus quoque Spiritus nisi esset Deus homoousios, hoc est ejusdem substantiae cum Patre et Filio, nequam Dominus diceret: « Spiritus est Deus (Joan. iv.) ». Et alibi: « Si in spiritu Dei ejicio daemonia (Luc. xi.) ». Item: « Misit me Dominus, et Spiritus ejus (Isa. xlvi.) ». Et omnes in hoc convenient Scripturæ, unum esse Deum cum Patre et Filio Spiritum sanctum. Et haec est una, vel hoc est unum, quod petit a Domino David, ac requirit ad contemplandum, dicens: « Unam peti a Domino, hanc requiram (Psal. xxvi.) ». Unum autem hoc non numero unum est, sed natura, videlicet solidum id ipsum, non habens partes, sed in omni quod est vel habet, habens integrum totum suum; si tamen omne, vel totum, vel integrum dici potest, ubi partes nullæ sunt. Ubicunque autem in Scripturis plura aliqua unum dicuntur, et non additur quid unum, sicut additur ubi dicitur, cor unum et anima una (Act. iv): eadem natura in nullo dissimilis vel dissentientis significatur. In quantum ergo tria aliqua sic sunt, intantum unum sunt. Sed vere sic tria aliqua esse, solius est Trinitatis illius, quae Deus est. Nam etsi sunt aliquando tres homines ejusdem naturæ, ejusdemque voluntatis vel consensus, certe tres homines tres semper homines sunt; et si aliquando in aliquibus consentiunt, in multis dissentunt. In Trinitate vero quae Deus est, qui tres sunt verissime unum sunt; et non tres dii, sed unus Deus sunt, unius naturæ, ejusdem essentiae. Unius enim essentiae praedicatio perfectam concludit unitatem. Cum ergo queritur de Patre, et Filio, et Spiritu sancto, si tres, quid tres? ex auctoritate Domini, et secundum rationem fidei, nil melius seu convenientius veritati respondeatur, quam unum. Placuit tamen Patribus propter disputandi necessitatem, seu tractandi vel colloquendi difficultatem, exceptis relativis nominibus, pluralem numerum admittere: et ut uno nomine respondeatur quid tria, dicere tres personas; sic tamen, ut nullæ ibi moles, nulla intervalla cogitentur, nulla distantia cujuscunque dissimilitudinis, nulla separabilis distinctio seu personalis confusio. Non pars ibi cogitur vel totum; non majus aliquid Trinitas quam una persona, non minus persona quam Trinitas tota. Licet enim a se invicem determinari videantur, tamen sicut fide intelligi potest, infinita in se intelligentia sunt tria illa, quae tres personæ dicuntur; et singula esse in singulis, et singula in omnibus; et omnia in omnibus, et omnia unum. Cum enim ineffabile hoc quod ex sensibus et verbis sanctorum Patrum pene ineffabiliter fari conati sumus, conatur humana inopia loquendo proferre ad sensum hominum, in quantum illud in secretario mentis pro captu tenebat, de Domino Deo suo, sive per piam fidem, sive per qualemque intelligentiam, limitat catholica pietas dicere tres esseentias, ne in illa

summa æqualitate illa intelligeretur diversitas. Cœrissime quippe et de Scripturis cognoscitur, et pie credendum est, et in hoc etiam aspectus mentis persingitur, esse et enī qui Pater est, et eum qui Filius est, et eum qui Spiritus sanctus est; nec eundem esse Patrem, qui Filius est; neque ipsum esse Spiritum sanctum, qui Filius aut Pater est. Cum tamen non auderet tres essentias dicere, quæsivit, quid sine offendendo diceret, et dixit tres personas. Quibus nominibus non diversitatem intelligi voluit, sed singularitatem noluit, ne quasi singulus intelligeretur Deus, scilicet ut non solum ibi intelligatur unitas ex eo quod dicuntur tres personæ: quod etsi res sicut est, non diceretur, non omnino tam taceretur, cum quereretur, quid tria, vel quid tres: sed communè etiam modo loquendi aliquid responderetur. Non solum autem, sed et per hæc nomina trium personarum facta est omnibus ædibus fandi de ineffabili copia copiosior, et compendiosior, et ad respondendum cautius intimicis, et ad subtilius inquirendum de Deo, et conferendum cum amicis: et confessio fidei formam habet sanctorum verborum; et ad tractandum vel disputandum aptum verbi instrumentum.

Difinitur autem persona a diffinientibus duobus modis: sive, rationalis nature individua substantia: sive, ejus pro sui forma certa sit agnitus. Prima diffinitio nomen substantie præferens, quo se offerat, non ambiguis intellectus est: videlicet ad consortium nominum eorum quæ substantialiter ad se de Deo dicantur: ut sicut dicitur Deus Pater, Deus Filius, Deus Spiritus sanctus; et tamen non tres dii, sed unus est Deus: sic si de Deo persona prædictetur, dicatur persona Pater, persona Filius, persona Spiritus sanctus, in summa vero una persona. Et secundum hanc diffinitionem non magis ibi fas est dicere tres personas, quam tres deos. Porro juxta alteram diffinitionem requisiti quid tres, respondemus tres personas: cum singula earum ex forma pronuntiationis suæ, qua dicitur, sive persona Patris, sive persona Filii, sive persona Spiritus sancti, certam sui præferentes agnitionem; ad respondendum quid tres, aliquam habeant facultatem. Respondet enim et dicitur, tres personæ communè nomine, sicut tres homines sive tres personæ, quasi tria propria relativa, ut intelligantur persona Patris, persona Filii, persona Spiritus sancti. Et enī proprium sit Patris quod genuit; proprium Filii, quod genus est; proprium Spiritus sancti, quod ab utroque procedit: in his propriis nulla intelligitur naturæ separatio, sed quedam personalis agnitus. Hæc de nomine personæ, quod in causa et ratione fidei a sanctis Patribus appositum est. Non enim inostrum visum est Ecclesie Dei, in ordinando dogmate fidei sanctos Patres magnam habere debere auctoritatem, qui magnum pro fide pertulerunt laborem, usque ad effusionem sanguinis sui, et mortificationem corporum suorum. Credo ergo et confiteor unum in tribus personis Deum, tres personas expressas sub

A proprietate distinctas; non nomina tantummodo, sed et nominum proprietates, id est personæ, sive ut Græci dicerent, hypostases, hoc est subsistentias. Nec Pater Filii aut Spiritus sancti aliquando personam excludit: nec rursus Filius aut Spiritus sanctus Patris nomen personamque recipit; sed Pater semper Pater est, Filius semper Filius, Spiritus sanctus semper Spiritus sanctus. Itaque substantia unum sunt, personis ac nominibus distinguuntur. Et hæc est mea fides; quia hæc est catholica fides de Domino Deo nostro. Patre, Filio, et Spiritu sancto: ejus intellectu, qualis in hujusmodi rebus intellectus esse potest, ad cognitionem divinitatis, qualis et ibi cognitio esse potest. pertenditur, primo de credendis nulla infidelitate dubitando, deinde de intelligentiis nulla infidelitate dubitando, deinde de intelligentiis nulla temeritate desiniendo, postmodum vero veritati cum apparuerit, fideliter et ardentissime inhaerendo.

Tribus enim intelligentie gradibus proficerent fidei ascendendum est ad Deum, et ad cognitionem ejus. Primus gradus est, diligenter investigatum habere, quid sibi de Domino Deo suo sit credendum; secundus, quomodo de eo quod recte creditur, recte nihilominus ei cogitandum sit et loquendum; tertius, ipsa jam rerum experientia est in sentiendo de Domino in honestate, sicut sentiunt qui simplicitate cordis querunt illum. Primus tam facilis est ascendi, quam credere facile est volenti, sed cui datum est. Sicut enim Apostolus dicit, et non omnium est fides (II Thess. iii). Secundus eo difficultior, quo a natura rerum remotior, eorum est, qui, sicut idem dicit Apostolus pro consuetudine et exercitato habent sensus ad discretionem boni et mali (Hebr. v), quamvis et a curiosis præsumuntur. Tertius perfectorum est, qui de toto corde suo, de tota anima sua, et ex omni mente sua, affectant diligere Dominum Deum unum: primicias jam et pignus Spiritus habentes, quod sint Filii Dei. Item primus gradus in auctoritate fundatus, fidei est, habens formam fidei, probatae auctoritatis probabilibus testimoniis fundatam. Secundus rationis est, non rationis humanae, sed ejus quæ propria fidei est; habens et ipse formam saporum in fide verborum divine auctoritati per omnia concordem. Hujus est sciœ, non solum cogitare et loqui de Deo rationaliter secundum rationem fidei; sed et quomodo fides eadem fiat ubi non est, nutritur et adjuvetur ubi est, et qualiter contra iniuricos defendatur. Tertius jam gratiae illuminantis et beatificantis est, amans fidem, seu potius beatificans in amorem, a fide ad speciem transmittens, inchoando cognitionem non eam quæ fidei est, et cum fide incipit esse in homine fidei, sed de qua Apostolus dicit: et Nunc cognosco ex parte; tunc autem cognoscam. sicut et cognitus sum (I Cor. xiii). Illa enim est, quam perfecta charitas inchoat in hac vita perficiendam in futura. Hæc vero presentis temporis fidei res est, seu potius ipsa fides est, per quam Deus cognoscitur,

sicut per fidem cognosci potest; et in quantum creditur, instantum cognoscitur. Haec enim in primo intelligentiae gradu habet exordium; in secundo incrementum, in tertio quoddammodo deficiente perficitur; cum transitur a fide credentis et sperantis in cognitionem et gaudium habentis et fruentis, seu habere et frui incipientis. Dux enim istae cognitiones tantum ab invicem sunt differentes, quantum differt a Deo in eo quod ipse in semetipso est, quidquid homo secundum hominem de Deo seu cogitando seu loquendo sentire potest. De Deo vero melius posse hominem engitare quam loqui, ipsum autem longe aliter esse, quam possit homo de eo cogitare sive loqui, omnibus vel tenuiter de Deo sentientibus manifestum est. Et tamen prima haec ad Deum cognitione est, rationabiliter secundum rationem fidei scire de Deo vel cogitare, vel loqui. Quod cu[m] multa non sicut oporteret credentibus serpe magis in promptu sit, quam pluribus vere fidelibus, recte quidem credentibus, sed id quod credunt discernere non sufficientibus, manifeste datur intelligi, nequamquam hanc esse perfectam cognitionem veritatis, que preteriens aliquando veritatis verissimos amatores, non se negat multis amatoribus vanitatis. Multi enim hujusmodi multa sciunt de Deo, vel scire student; seu ut tantum sciant, curiose agentes seu ut scire vel videantur vel sciantur, gloriam suam querentes, et non Dei. Ipsa enim est scientia de Deo, de qua Psalmista dicit, quia nox eam indicat nocti (*Psal. xliv*), hoc est homo homini caro et sanguis carni et sanguini, infidelis nonnunquam infideli, longe distans a sapientia illa, et verbo illo, quod dies dici, seu spiritualis homo spirituali homini, seu ipse per se Spiritus sanctus sancti enjusque hominis spiritui non indicat, sed eructat, hoc est, cum sensu quodam divinitatis et sapore summae sapientiae, occulta aliqua inspiratione insinuat. Quae tamen cum ad exercitium pietatis plurimum necessaria sit, si studiis pietatis delegata pie tractetur, omnibus omnino hominibus appetenda est, et cum omni studio amplectenda; non inutilis futura in proiectu fidei, si sobrie et secundum rationem fidei dispensetur. Sicut enim in his quae de Deo sunt, alta sapere periculose nimis est; sic sapere ad sobrietatem, laudabile. Scilicet si quis non modo eloquio vel scripto, sed vel sola cogitatione aggre

C

dendum putaverit omnem de summa et incomparabili et imperscrutabili natura pertractare quæstionem compescendus omnino ac refrendandus est omnis animus humanus a tam immani et inani præsumptione. Ad perscrutanda tamen ea duntur, quorum facultas homini non negatur, vel quæ fidem hominem prorsus ignorare non licet adjuvandus potius, et exhortandus est spiritus hominis fidelis, non extinguendus.

Etenim sicut non posse scire de Domino Deo Creatore nostro, quod supra hominem est, non repetatur in peccatum; sic et qui cum posset scire aliqua, non studet, vel qui nondum potest, ut possit,

A dignam dare operari dissimulat, non solum apud Deum ignorantiae Dei reus judicatur, sed etiam in paucum meritis suis debitam ordinatur, ut hic qui scire vel agere cum potuit, noluit, cum voluerit, non posset. Sed et in eis quae neglecto Deo curiose sectatur, in presenti affligitur; in futuro vero militur in tenebras exteriores, quæcumque illæ sint, de quibus in Evangelio legitur. Semel ergo ingressi viam Deum querendi, non lacescamus, non desistamus; fidelis est, qui repromisit dicens: « Quærite et invenietis (*Luc. xi*). » Et Apostolus: « Sic currite, ut comprehendatis (*I Cor. ix*). » Et de semetipso: « Fratres, inquit, ego me non arbitror comprehendisse. Unum autem, quæ retro sunt oblitus, ad ea vero quæ sunt anteriora extendens meipsum, ad destinatum persequor, ad palmarum superæ vocatio-

B nies; in Christo Jesu Domino nostro. » Et addidit:

« Quotquot ergo perfecti sumus, hoc sapiamus. »

Quid? Scilicet, « quandiu peregrinamur a Domino, per fidem ambulantes (*Philipp. iii*), » viatores nos esse, non perventores. Et in via fidei strenuum esse viatorem, perfectio vitæ hujus est. Perventio autem, alterius vita est.

Pie ergo et humiliter in via hac qua ambulamus, præcedentium Patrum vestigia venerantes procedamus: et primæ interim cognitionis Dei, quæ per fidem est, enigmata attentantes, ipsum invoceamus, qui posuit tenebras latibulum suum; non ut non videatur, sed ut diligentius queratur, et quo diligentius fuerit quæsus, eo dulcissimum, cum fuerit inventus. Ambiamus etagamus, ipso adjuvante et docente, ut interim quantum ipse dederit, per fidem enim cognoscamus: deinde ipsius etiam gratia erit, ut de fide ad speciem transcaimus. Cognitionis ergo divinae quæ per fidem est, qua per fidem cognoscitur Deus, quasi prima sunt elementa nomina divina, quibus apud homines nominatur Deus, et congrua eis forma sanorum in fidei verborum. Nam et a notitia nomina dicuntur. Ut enim gradatim, sicut jam supra prælibavimus, secundum rectum ordinem ad Deum proficiendi, procedamus, primo cognoscendum est de re cognoscenda, quid sit, quod non nisi nomine aliquo designatur: deinde quale vel qualiter sit, ut sicut res est, sic de ipsis fides capitur. Sicut enim secundum rationem litterature prima elementa colliguntur in syllabus, syllabe in dictiones; illæque copulatae ad arbitrium copulatis sensum aliquem efficiunt in corde legentis; sic nomina divina, quibus apud homines dicitur Deus, coaptata sibi secundum formam sanorum in fidei verborum et rationem fidei, circa occultum illud divinitatis in corde credentis aliquem fidei efficiunt intellectum. Hinc Paulus apostolus dilectum discipulum in fide, de quibus oportebat, erudiens: « Formam, inquit, habens sanorum verborum, quæ a me audisti in fide et in charitate; in Christo Jesu. Bonum depositum custodi (*II Tim. i*). » Ex quo discimus, ad custodiendum depositum fidei et formam ejus, formam sanorum in ea verborum plurimum observandum. Est quippe forma fidei, .

et est forma sanorum in ea verborum. Forma fidei est, de Patre, et Filio, et Spiritui sancto, sicut jam saepe dictum est, Deum Patrem esse, Deum Filium, Deum Spiritum sanctum; et tamen non tres deos esse, sed unum Deum. Forma vero sanorum in fide verborum est, proprius quidam modus loquendi de Deo, secundum hæc ipsa quæ præmisimus: quem ex auctoritate Christi Domini, et apostolorum et apostolicorum doctorum, jam olim usus Christianæ pietatis obtinuit circa nomina divina, et ea quæ in confessione fidei dicuntur de Patre, et Filio, et Spiritu sancto. Modus autem hic loquendi de Deo propriam quædam habet disciplinam regulis ac terminis fidei munitam; ad docendum loqui de Deo rationabiliter secundum rationem fidei, et præparandos homines ad cogitandum ac sentiendum inefabiliter de ineffabili. Idecirco autem dicimus, secundum rationem fidei, quia modus hic loquendi de Deo habet quædam propria verba, rationabilia quidem, sed non intelligibilia, nisi in ratione fidei, non autem in ratione sensus humani. Quod enim paulo ante diximus, quia « Deus est Pater, Deus Filius, Deus Spiritus sanctus, et tamen non tres dii, sed unus est Deus, » utcumque capit, secundum rationem sensus humani. In rebus enim humanis humana ratio parat sibi fidem: in divinis vero præcedit fides, deinde ipsa sui generis forunat sibi rationem. Sicut enim res est, sic de ea fidem captare, et locutionis formam fidei coaptandam esse, rectissima ratio est. Amat autem locutio sive inquisitio de Deo, humiles ac simplices in paupertate spiritus Deum querentes, quos ad inquirendum non curiositas agit, sed pietas trahit. Amat loqui, non verbis præcipitationis et alienis; sed ipsis quibus semetipsum et Patrem et Spiritum sanctum manifestavit mundo Verbum Dei ipso locutionis chartere, quo fidem Trinitatis propagaverunt in mundo homines Dei. Odit contentiones, animositates, novitates, pugnacque verborum et inanum tormenta quæstionum; ipsa magis experientia docens credentes, et informans per meritum et usum fidei pervenire ad præmium contemplationis. Nomina autem, quæ prima ejus elementa esse diximus, sunt, sive quibus per semetipsum ipsa se divinitas revelavit in mundo, scilicet Patris, et Filii, et Spiritus sancti, sive quibus ex diversa consideratione sui diverso se modo apud homines nominari fecit. Hominis siquidem condito ad imaginem Dei, naturalis inest appetitus cognitionis Dei et proprie originis. Ex eo enim quod nullus est animus humanus quantumvis rationis capax, quem natura ipsa dubitare permittat, quin Deus sit; quin sit Creator omnium, et omnium potestas et providentia penes ipsum sit; satagit etiam et ambit semper quasi naturaliter humana et pietas et curiositas aliquatenus suspicere de eo, quid sit. Quapropter seu invisibilia Dei per ea quæ facta sunt intelligenda, seu per naturalem sensum rationis, seu per donum gratiæ revelantia, quot de Deo homines considerationes habuerunt, tot enim nominibus nupcupaverunt, scilicet potentem, sapientem,

A tamen, sapientiam, potentiam, et aliis in hunc modum quampluribus nominibus.

Quibus cum etiam homines plerumque nupcupentur, dicuntur enim et ipsi sapientes et potentes; nemo tamen dicitur sapientia sive potentia, vel aliquid hujusmodi; quia nemo eo modo sapiens sive potens est, quomodo Deus; cum hoc sit Deo esse, quod sapere, quod posse; et ipse sua sapientia, ipse sua potentia sit. Sic de veritate, de charitate, et aliis hujusmodi nominibus intelligendum est, scilicet quibus substantialiter Deus dici potest. Divinorum enim nominum non uniformis ratio est. Alia enim de Deo substantialiter dicuntur; alia aliter. Nam in rebus quoque omne quod est, aut subjectum, aut in subiecto est, hoc est aut substantia, aut accidens. Non tamen sic est in Deo. Nunquam enim de Deo dicitur aliquid secundum accidens, sed neque semper secundum substantiam. Dicitur enim et ad aliiquid.

B Ubi primo sciendum est quoniam predicamenta hujusmodi aliena a natura fidei sunt, sicut substantia et accidens, et quod dicitur ad aliquid, et genus, et species, et cætera talia. Instrumenta quippe sunt hæc communia et vulgaria rationis et artis humanae ad discernendas res communes; rebus autem divinis prorsus indigna, et a forma sanorum in fide verborum aliena. Ratio tamen fidei quasi morem gerens humanæ rationi illata sibi ab hominibus non respuit omnino vel abjicit; sed assumit ea sibi, et conformando singula suis regulis et coaptando, in obsequium fidei ac servitutem captivatum quodammodo redigit eorum intellectum. Hinc est, quod tam multa nomina, quæ in rebus communibus nomina rerum accidentium sunt, translata ad Deum, ubi secundum rationem fidei non admittitur aliquid secundum accidens, prædicari substantialiter inveniuntur. Verbi gratia, cum dicitur Deus sine quantitate magnus, sine qualitate bonus, quid intelligitur, nisi quod ea quæ hujusmodi sunt, secundum quod accidentia sunt, non admittuntur, et tamen admittuntur, et secundum hoc quod naturaliter in Deo sunt, quomodo nusquam alibi sunt, substantialiter prædicantur? Sed et ubi accidens non est, neque substantia est, nec esse potest, quæ nullis accidentibus subest, vel subesse potest. Nullorum vero prorsus accidentium susceptrix esse potest summa illa divinitate naturæ simplicitas: quæ si susciperet, simplicitas non esset. Illa nempe natura simplex vere dicenda est, cui non sit aliquid habere quod possit amittere: quod sive accedendo, sive decedendo, videri possit mutabile, id quod immutabile, sive quæ non aliud sit habens, aliudque quod habet. Et secundum hoc summa illa natura vere simplex est, eo quod non aliud est in ea qualitas vel quantitas, aliud substantia; nec aliena participatione est id quod est, sive potens, sive sapiens, sive beata.

C Melius ergo essentia dicitur quam substantia, sicut in sequentibus plenius apparebit. Et tamen ipso uso loquendi, crebris in Deo nomine substantia abul-

MUR. Potest tamen forsitan nomen hoc secundum A considerationem in Deo dici, ut intelligatur quasi per semetipsum subsistens, sive quod quasi subit omnibus quae sunt, sicut principium et causa et ratio subsistendi. Alias autem, improprie omnino dicitur substantia in Deo. Unus ergo de Deo agendum est, non semper secundum substantiam, nunquam vero secundum accidens, est agendum: nec etiam cum dicitur ad aliquid, sicut cum dicitur Pater ad Filium, Filius ad Patrem, ad utrumque Spiritus sanctus, nequaquam secundum accidens intelligentum est. Nunquam enim accessit aeterno ac sempiterno Patri Filius, ut Pater fieret, quod quasi non fuerit prius, cum semper fuerit, vel potius semper sit Pater; semperque de aeterno Patre consubstantialis ei et coeternus sit Filius semper de Patre et Filius coeternus eis et consubstantialis Spiritus sanctus.

Sed neque secundum genus et speciem intelligenda aliquatenus est Trinitas Deus; licet hoc aliqui con-sugant perverse de Deo sentientes: qui tres personas quasi tres esse species ipsius essentiae astruere moluntur, cum et ratio fidei profiteatur, et veritas clamet; nec reselli omnino possit, essentiam ipsam nihil aliud esse quam tres personas, et tres personas ipsum esse essentiam. Non ergo secundum genus et speciem cogitari debet Trinitas Deus. Sed neque relative omnino, nisi secundum fidei mensuram. Relatio quippe unius Dei, non magis quam unius hominis est. Relatio tamen ibi est Patris ad Filium, Filii ad Patrem, Spiritus sancti ad utrumque, faciens Trinitatem, cum extra omnem regulam relativorum una substantia suam verissimam ac solidissimam teneat unitatem. Serviant ergo quae hujusmodi sunt in rebus Dei; quoniam non semper inutilia inveniuntur, si rationabiliter secundum rationem fidei adhibita dispensentur. Cum ergo hujusmodi aliquid admittitur, non tam ipsum, quam quid de ipso ratio fidei efficere velit, attendatur; nec rationibus seu ratione-rationibus hominum subjiciamus causam fidei nostra, sed omnia illi. Serviant ubi oportet; non se ingenerant plus quam oportet. In via enim simplici similitudine gradendum est. Secundum Evangelium loquuntur, qui secundum Evangelium se vivere proponuntur. Ut ergo jam de divinis nominibus prosequamur, primo de iis sollicite observandum est, quomodo testimentur, scilicet communia sicut communia; singulare vero sicut singulare. Communia vero dicuntur, quae secundum substantiam de Deo praedicantur, sicut potentia, sapientia, charitas, Deus; singulare vero, quae dicuntur ad aliquid, sicut Pater, Filius, Spiritus sanctus. De quibus praeceps hoc tenendum est, quod jam supra diximus; quoniam quidquid ad se dicitur prestantissima illa et divina sublimitas, substantialiter dicitur: quod autem ad aliquid, non substantialiter, sed relative; tanquamque vim esse ejusdem substantie in Patre, et Filio, et Spiritu sancto, ut quidquid de singulis a scipso dicitur, non pluraliter in summa, sed singulariter

A accipiatur. Propter quod et nomina omnia que hujusmodi sunt, communia dicuntur. Dicitur ergo Deus Pater, Deus Filius, Deus Spiritus sanctus; et tamen non sunt tres dii, sed unus Deus. Magnus Pater, magnus Filius, magnus Spiritus sanctus; et tamen non tres magni, sed unus magnus. Siecne de potentia, de sapientia, de charitate, de veritate, et de omnibus nominibus divinis sentiendum est: quibus, sicut dictum est, ad se et substantialiter dicitur divina maiestas. Quae cum quolibet horum dicitur, non quilibet sit, sed quid sit, pronuntiatur. Propria vero seu singularia quomodo ad invicem referantur, manifestum est: Pater scilicet ad Filium, Filius ad Patrem, Pater et Filius ad Spiritum sanctum, et ad ipsos ipse. Hoc ergo modo et ea summae essentiae nomina, quae ad se sunt; et ea Trinitatis, quibus tres ad invicem sunt: et praedican unitatem, et non latcent Trinitatem, suo modo singula. Ita enim in eo quod tribus communia sunt, personalem monstrant Trinitatem; in eo quod in summa semper unum sunt, consubstantiale unitatem: hoc autem in eo quod singulorum propria sunt singula, Trinitatis veritatem; in eo autem quod ad invicem sunt, et se alterum ad alterum ipso singularitatis nomine C referri ostendunt, substantia unitatem.

Nunc de essentia Dei et eius nominibus prosequamur: scilicet que ab ipsa essentia essentialia dicuntur. Quorum principium ex eo est, quod Deus famulo suo Moysi sciscitanti nonne sum: «Ego sum, inquit, qui sum (Exod. iii).» Sic, ait: Dices filii Israel: «Qui est, misit me ad vos (ibid.).» Sicut enim ex eo quod est subsistere, substantia dicitur, sic ab eo quod est esse, essentia. Substantia enim quomodo non conveniat Deo, licet hoc nomine sapere Scripturæ abutantur, jam supra dictum est. Cui quam verius ac dignius convenienter essentia nomen, palam omnibus est. Solus quippe vere esse dicendum est, qui ab aeterno incomutabiliter est, et hoc est ei esse, quod est; et quod est, semper est; et sicut est, sic semper est. Non in se habet posse non esse, quod est; quia nec in se habet posse esse, quod non est; et quod sic est, non initio prævenitur, non sine clauditur, non temporibus volvitur, non locis continetur, non aetatibus variatur. Nihil ibi deest, quia totum in eo est; nihil superest, quia nihil extra eum est. Cui ergo naturaliter est, semper posse esse, quod est; ipse solus aut pene solus esse, dicendum est. Certissime ergo ei de Scripturis cognoscitur, et pie credendum est, hunc Patrem esse, hunc Filium esse, hunc esse Spiritum sanctum: nec coram esse Patrem, qui Filius, nec ipsum Spiritum sanctum esse, qui Pater est vel Filius. Tres tamen ibi essentias dicere non minus devitamus, quam tres deos; cum non sit ibi aliud esse, aliud Deum esse, sed idem est. Ideo secundum formam sanctorum in fidei verborum, et premissam ex ratione fidei reglam de essentialibus Dei nominibus, dicimus essentiam Patrem, essentiam Filium, essentiam Spiritum sanctum; et tamen non tres essentias, sed unam essen-

tiam. Hæc autem omnia nomina, quæ ab essentia essentialia dicuntur, originis suæ et rei cuius nomina sunt, formam quamdam præferentia, sicut tres ibi sunt, et unum tres, sic ipsa omnia sunt unum, et unum omnia. Sic enim uno nominum horum censetur Deus, sicut omnia; nec magis omnia, quam uno eorum. Sic unum bonorum eorum est, quæ tam multis nominibus significantur, sicut omnia; omnia sicut unum. Hoc enim ibi est posse, quod vellet, quod sapere, quod nosse, et quod cætera omnia; quæ, ut dictum est, essentialiter et ad se deo predicantur. Non enim aliter potest, aliter vult, aliter sapit, aliter novit, qui non aliter et aliter hoc et hoc est; sed simpliciter est, quod est. Non enim cogitandum est aut credendum, quasi 'compositum ex omnibus bonis his summum bonum, quod non minus est in singulis quam in omnibus, sed totum in singulis est, et in omnibus unum. Alioquin non simplex esset Deus noster, sed multiplex. Non solum autem, sed et omnia hæc simul sic sunt singularium in Trinitate personarum; ut sicut in Deo unum sunt hæc omnia, sic hæc omnia sit qualibet in Trinitate persona.

Dicitur quidem aliquando potentia Pater, Filius sapientia, bonitas Spiritus sanctus; sed vigilanter, cum hoc dicitur, debet sensus catholicus, et prudenter animadvertere, eorum quæ tribus communia sunt, hoc modo quedam nonnunquam singulis ascribi, ad contextendum quodammodo et ordinandum ad humanam intelligentiam divine cooperationis consensum. Sed et sicut Trinitatis trium personarum una operatio est, sic et in his omnibus, quantum in Deo est, una et indissimilis operatio intelligenda est, quamvis non sic eadem operatio ad creaturam perveniat, qua tamen sic a Deo proficiuntur. Sicut enim non aliter potens est Deus, aliter sapiens, aliter bonus; sic nec, quantum in ipso est, aliter agit quæ sunt potentiae, aliter quæ sunt sapientiae, aliter quæ bonitatis, licet in creaturis ab invicem dissimilibus dissimilis pareat indissimilis illius operationis effectus. Sed et cum hujusmodi noninum dñinorum quæ, sicut dictum est, naturali unitate personis æque tribus in Trinitate convenient, quedam familiarius ac frequentiore usu quibusdam in Trinitate personis coaptari videntur; sicut ea quæ premisimus, scilicet potentia Patri, sapientia Filio, bonitas Spiritui sancto: si hoc ad discretionem personarum ut discernantur, non ut separantur. Exceptis enim relativis nominibus, quibus licet ad invicem dicantur Pater et Filius et Spiritus sanctus, tamen propria sunt singula singulorum: quocunque nominis vocabulo unus eorum nominatur, omnes pariter nominantur; quia unum omnes inveniuntur esse in eo quo nominantur. Dicitur autem Filius non solum sapientia Deus, sed et sapientia Dei, et Spiritus sanctus bonitas Dei: quod sane et secundum rationem fidei intelligendum est. Sapientia quippe Patris Filius

A est; non sapientia, qua sapientia sit Pater, cum sit ipse per se sapientissimus, et summa sapientia, sed in eo sapientia est Patris quod, cum sapientia sit, a Patre huic esse est, a quo est ei omne quod est. Est autem Filius de Patre, sapientia de sapientia, una cum Patre sapientia; sicut substantia, vel potius essentia de essentia, una cum Patre essentia. Si enim eo modo Filius sapientia Patris dicitur, quasi Pater per eam sapientia sit; jam Filius non tam Filius quam qualitas Patris erit. Sed et cum hoc sit Deo sapere, quod esse; et sapientia Patris una cum Patre essentia sit; si eo modo Filius sapientia Patris esset, ut noanisi ea sapientia, quæ Filius est, Pater sapiens esset; jam Filius non tam Filius Patris, quam essentia ejus esset, et jam secundum Sabellium ipsa Filius qui Pater esset. Eodem modo et de bonitate, quæ Spiritus sanctus dicitur, intelligendum est. Sed ne singularitatibus hujus pronuntiatione quæ Pater dicitur potest, Filius sapientia, Spiritus sanctus bonitas, personæ ipse separabiles quovis modo intelligantur; adest continuo ratio fidci, quæ eadem singula singulorum communiter etiam do tribus dicantur, ut non solus Pater dicatur potentia, sed et Filius, et Spiritus sanctus; nec solus Filius sapientia, sed et Pater, et Spiritus sanctus, nec solus Spiritus sanctus bonitas; sed et Pater, et Filius. Cumque circa providentiam creature prædicatur potentia Patris, sapientia Filii, bonaies Spiritus sancti; non aliud intelligendum est in his nominibus divinitatis, quam quod eo modo prædicatur operatio omnipotentis et sapientis, et benignissimæ divinitatis, ut in his quæ dicuntur, intelligi etiam quæ cooperatio Trinitatis (54).

C De qua cum sancta Scriptura sic loquitur, ut aut in factis, aut in verbis, aut in hujesmodi nominibus, aliquid singulis assignet, quod singulis videtur convenire personis, non perturbetur fides catholicæ, sed doceatur, ut per proprietatem aut vocis aut operis, insinuetur nobis veritas Trinitatis; et tamen non dividat intellectus, quod distinguit auditus. Ob hoc enim quedam sive sub Patris, sive sub Filii, sive sub Spiritus sancti appellatione promuntur, ut confessio credentium in Trinitate non erret. Quæ cum sit inseparabilis, nunquam intelligeretur Trinitas, si semper inseparabilis diceretur. Bene ergo difficultas loquendi cor nostrum ad intelligentiam trahit: et per infirmitatem nostram cœlestis doctrinæ nos adjuvat, ut quia in Dotite Patris et Filii et Spiritus sancti, nec singularitas est nec diversitas cogitanda; vera unitas et vera Trinitas possit quidem aliquatenus mente sentiri, et si non possit similis ore proferri. Hæc interim de essentialibus Dei nominibus dicta sint. De quibus nihil est quod dicimus, quia nihil ad eum est, quidquid de eo dici potest; quoniam non potest explicari verbis, quod ineffabile est. Deficiunt verba, caligat intellectus. Tamen quoniam præcipiuntur faciem Domini querere

(54) Verba Leonis pap., ser. 2 in Pentec.

semper; et quod divinitus præcipitur, quo dæmonio modo promittitur; nec desperandum est: expedientis est intellectus, et verborum conatus erigendus quoque potest; et ubi defecerit humana possiblitas, res Dei silentio honoranda est.

Sciendum autem quoniam summa illa majestas, quæ dicitur Deus, potens, sapiens, et cætera hujusmodi, quibus essentialiter et ad se dicitur: haec etiam omnia ad creaturam dici potest. Etenim Deus, qui in semetipso est qui est, ipse ad creaturam, omnium quæ sunt Deus est; in quantum omnium quæ non sunt quod ipse, et Conditor, et rector, et Dominus est. Qui potens est in semetipso esse quod est, ipse per omnia ad omnem creaturam non solum potens, sed et omnipotens est. Cui etiam semetipso scire vel sapere, esse est; ipsius non alia ad semetipsum de semetipso, alia ad creaturam de creatura, scientia seu sapientia est. Qui in semetipso non tam bonus est, quam ipsum essentialie bonum, quo bonum est, quidquid quovis modo bonum est: ipse ad omnem creaturam suam summum bonum est, et summe bonus, quo nil melius potest cogitari; et de quo bene est, cuicunque quovis modo bene est. Eodem modo et de omnibus peccatis nominibus divinis, quibus ad se dicitur Deus, intelligendum est, scilicet, ipsis etiam dici eum ad creaturam nominibus, quibus ad se dicitur non tam relative, quasi a creatura habendo esse, quod ad eam dicitur; quam, si sic dici possit, collative, donando creaturæ, ut sit, ad quam dicatur. Hinc magnus dicitur Deus ad creaturam comparatione ipsius creaturæ; magnus in seipso sine omni comparatione; justus ad creaturam, juste cuncta disponendo: in eo autem quod ipse est, sicut eum esse, justum est, justissimum in semetipso; et cætera in hunc modum. Quæcumque autem nominibus hujusmodi Dei ad creaturam intelliguntur, sic Deus est, ut sicut de essentialibus ejus nominibus dictum est, sit, non quasi habens esse suum ex his partibus suis, qui non est hoc et hoc particulariter; non hoc vel hoc singulariter: non est in parte, quod in parte non est; sed est quod est, qui omnia haec est, et borum nil ex accidenti est, quis haec omnia non aliunde mutuans, sed essentialiter habens, nil habet in semetipso, nisi quod ipse est. Et sicut haec omnia in ipso non aliud et aliud, sed simplex unum sunt; sic nec aliter et aliter, sed simpliciter et uno modo sine omni modo in ipso sunt.

Sane sunt aliqua nominum horum, quæ cum dicuntur in Deo, speciem videntur præferre accidentium relativorum, sicut cum dicitur ad creaturam Creator, Dominus aut principium. Sed nequaquam hoc modo accipienda sunt, cum accidentium omnium sit mutare subjectum; quorum nullum accidere potest incommutabili substantiæ. Sempiterum tamen esse Deo Creatorem esse, seu Dominum, seu principium, cum non semper fuerit creatura, cuius est Creator, Dominus ac principium: difficilis intellectus est. Conantes enim homines fari quovis modo de ineffabili, nec valentes nisi verbis, nec ad dicenda ea,

A quæ hoc modo dicenda sunt, his verbis aptiora verba ibi invenientes, ubi nulla apta sunt, dixerunt Deum Creatorem, Dominum, principium. Quæ verba cum in eo quod cuncta creaverit Deus, quodque omnium Dominus sit ac principium, manifesta ac verissima sint; temporaliter tamen incidens æternitati temporalis nomen creaturæ, sicut dictum est, difficile intellectu est, quomodo accidentis non sit. Omne vero accidentis, sicut dictum est, sive accedendo, sive decadendo, necesse est mutare subjectum: quod incommutabili Deo non convenit. Sed haec et his similia cum dicuntur in Deo, sic in illa incommutabili substantia accipienda sunt, ut proprio quo lama divinitatis modo ita dicantur relative ad creaturam, ut quanvis temporaliter aliquid horum incipiat aliquando dici Deus, non tamen hoc ipsi substantiæ Dei accidisse intelligatur, quæ sic dicitur; sed illi naturæ ad quam dicitur. Unde etiam cum ad eum refugimus, in ipso, seu in natura ejus nulla sit mutationis; nos autem mutamur, cum meliores ex deterioribus efficiamur. Sic et cum Pater noster esse incipit, non mutatur; nos vero per gratiam ejus, qui dedit nobis potestatem filios Dei fieri, regeneramur et filii Dei efficiamur. Et cum efficiamur filii Dei, nostra quidem substantia in melius transmutatur; ille vero incipit esse Pater noster, sineulla mutatione substantiæ sue.

B C D E

Et cum justus aliquis incipit fieri amicus Dei, ipse mutatur; Deus autem absit ut mutetur, qui nullum temporaliter diligit, quasi nova dilectione quæ in ipso ante non fuerit; qui dilexit nos ante mundi constitutionem, et apud quem nec praeterita transierunt, et futura jam facta sunt! Quod ergo temporaliter incipit dici Deus, quod antea non dicebatur, manifestum est relative dici; non tamen secundum accidentis Dei quod ei acciderit, sed plane secundum accidentis ejus ad quod incipit relative dici. Res enim divinæ cum hoc modo dicuntur, nequaquam suo modo dicuntur; sed eo modo quo affectu humano uticunque capi possit, quod dicitur. Idcirco cum de Deo verbis agitur, rationes verborum rebus cooptandæ sunt; non illæ illis. Rationis enim humanae omnis verbosa ratiocinatio non nisi veritatis esse debet investigatio: quæ ubique se obtulerit, jam ratio non est ratio, si non continuo abjecta cura verborum, veritati acquiescit. Nihil autem verius ac manifestius, quam nec creaturam aliquam, nec aliquid prorsus a creatura accidere incomutabili Deo. In Creatore enim omnium Deo, in quo tempus omne, et quidquid temporis est, æternitas et vita est, et quid quo tempore futurum sit, jam ab æterno præsentissimum est, nullo hoc agit tempore creata in tempore creatura, ut Deus aliquando Creator incipiat esse, quod quasi non fuerit prius, licet hoc dici incipiat aliquo tempore. Sed Creator creans creaturam, hoc agit de ea sine tempore, ut quæ non erat, sit suo tempore. Neque in hoc tam accedit illi, quam, si sic fas est dici, ille illi. Non quod accidentis ulla ratione dici queat illa

substantia, in qua subsistunt quæcumque sunt; sed A ad dicendum quod de rebus hujusmodi sentiri utrumque potest, verba deliciunt. Hoc ergo modo nomina divina ea quæ ad creaturam sunt, relative intelligenda sunt: quæ licet sint ad temporalem et mutabilem creaturam, æternæ tamen et incommutabiles essentia nomina sunt, et suo modo testimonia sunt. Cum enim in Deo, in quo quod factum est, vita est, et in quo quidquid est, Deus est, ab æterno sit principalis essentia omnium quæ temporaliter sunt, nonnisi exemplum summi illius exemplaris, et similitudo aliqua interioris veritatis est omnis hæc forensis creatura; non illi accidens, sed inde procedens, et naturali origine, et causaliter ratione, et ordine providentiae. Ubi cum omnia scienti Deo hoc sit esse, quod scire; non ideo, ibi scitur omnis hæc forensis creatura, quia est; sed quia ibi scitur, ideo est: quæ quomodo cumque in semetipsa mortalis sit, in incommutabili verbo vita est. Cui ergo scire semetipsum est esse quod est: non aliter seit semetipsum, aliter creaturam, qui non aliter et aliter est. Scit enī tempus sine tempore Creator, ne dispositor mutabilium omnium sine sui mutatione: quæ quomodo cumque in semetipsis sint, omnia in ipso vita sunt. Nec vivere vero aliquando cœpit, nec potest mori, quidquid in æternitate vita est.

Quæcumque ergo illa creatura sit, seu vivens seu non vivens, seu intelligens seu non intelligens, quæ in Deo vita est, quod omnis creatura est, quomodo cumque in semetipsa mutetur vel corripatur, incipiat et finitur; prima et principalis ejus essentia et veritas existendi, quæ in Deo est, et Deus est, nec mutatur nec corripitur; omnia mutabilia ejus summa sapientia immutabiliter ordinavit, sicut ipsa mutabilia immutabiliter creat. Ubi quidquid principio suo similis est, verius est; minus autem est, quod minus ei simile est. Hoc ergo modo secundum rationem et formam fidei, et nomen Creatoris de creatura essentiale Deo est, in eo quod Deus omnis creature principalis essentia est; et nomen creature ad Creatorem relativum est, inquantum ab ipso creatura ipsa est. Unde quidquid diximus expectat, ut licet nomina creature ad Creatorem relative dicantur; nomina tamen Creatoris ad creaturam non relative accidentia, sed principalem in Deo essentiam creaturæ significantia intelligentur: propter quod secundum regulam omnium essentiarum in Deo nominum, ipsa etiam prouinciantur, cum dicatur, creator Pater, creator Filius, creator Spiritus sanctus, et tamen non tres sunt creatores, sed unus Creator. Similiter de nomine Domini sive principii, sive omnibus nominibus, quibus Deus ad creaturam dicitur, intelligendum est. Haec ergo ratione his etiam nominibus quibus ad creaturam dicitur Deus, cum eis nominibus computatis, quibus essentialiter et ad se dicitur, ad relativa transeamus: quibus in Trinitate quæ Deus est, ad invicem relative dicuntur Pater, Filius, Spiritus sanctus. Prior

tamen dicendum est, quia sicut essentia continet unitatem; sic relatio praedicit Trinitatem. Errare autem in fide unius illius, de quo Dominus dicit: *Ego et Pater unus sumus* (*Ioan. x.*), nec communem de eo omnium estimationem habere, scilicet quod Dominus Deus, Deus unus sit (*Deut. vi.*), nemo potest, qui rationis humanae quantumvis parum sit particeps. Ex quo enim illuxit in mundo Dominus noster Jesus Christus, non solum erubuit mundus vel hominem adorare opera manuum suarum; sed fugit pene de toto orbe terrarum multorum cultus deorum et demonum; et in cultu unius Dei consentiunt omnes, non solum Judeus et Christianus, sed etiam ethicus et barbarus; nec communis omnium huic sententiae de Deo occurrere aliquando ausus est quisquam manifeste, seu hereticus Christianorum vel Judeorum, seu gentium philosophus. Propter quod etiam fides Trinitatis cum scandalo crucis, quæ jam olim a tempore patriarcharum et prophetarum coepit in mundo manifestari aliquibus hominibus, ex quo temporibus gratiae omnibus cœpit praedicari, factum est in signum, cui a tam multis contradicitur, quasi cultura trium deorum, cum improposito crucifixi. Ut enim mittam eos qui foris sunt, sunt aliquando fideles in Ecclesia, qui cum non capiunt quod dicitur, dicunt: *Ut quid nobis prædicatio Trinitatis? Unus tantummodo Deus, qui cumque vel quomodo cumque ille est, prædicaretur et coleretur.* Errat autem quicunque hoc dicit, et gratiae Dei contradicit. *Deum enim nemo vidit unquam: Unigenitus qui est in sinu Patris ipse narravit* (*Joan. i.*). Ad hoc enim venit in mundum, hoc effecit, ut Deus Trinitas innotesceret. Nusquam autem in hac vita divinitas melius humano intellectu comprehenditur, quam in eo quo magis incomprehensibilis esse intelligitur: hoc est in prædicatione Trinitatis. Idcirco enim Verbum caro factum est, et habitavit in nobis, ut, sicut ipse Dominus Jesus Christus orans dicit ad Patrem, manifestaret nomen Patris hominibus, et charitatem Dei diffundaret in cordibus nostris per Spiritum sanctum quem dedit nobis (*Rom. v.*). Denique hoc est ænigma fidei, terrible impius, ad deterrendos eos et fugandos a facie Domini; blandum piis, ad excitandos eos et provocandos querere faciem ejus semper: quod sicut iam sèpè dictum est, dicimus Deum Patrem, Deum Filium, Deum Spiritum sanctum, novi tres Deos, sed unum Deum.

In quo quicunque notitiam aliquam Trinitatis seu rerum divinarum investigans per signa verborum, labyrinthum divine revelationis ingreditur, non scrutator majestatis opprimendus a gloria, sed pauper spiritu, cui proxima semper est misericordia, scire debet alium esse ordinem discendi in rebus humanis, propter quas significandas cuncta quæcumque sunt verba reperta sunt; alium in divinis, quibus significandis nulla prorsus verba idonea sunt. In illis enim primo studio discendi querenda est notitia verborum, per quam ad notitiam rerum

perveniantur; in his autem econtrario non tam disciplinæ alienjus studio quam fidei pietate et servore amoris ad intellectum et sensum rerum aliquem primo ambiendum est, et continuo verborum quibus de rebus agitur, notitia offeret se proficiens. Verbi gratia inquirenti de relativis in Deo, primo se offerunt nomina illa seu verba propria singula singularis, et ad invicem relativa, *e* Pater, Filius, Spiritus sanctus; gignens, et procedens. *e* Hæc autem sic suscipienda sunt nobis, sicut ad inveniendum Deum divina quedam instrumenta per homines Dei Deo plenos a Deo nobis transmissa, sed tamen rerum notitiam, quarum signa sunt, minime impleta. Quæ quandiu ad profectum cognitionis Dei nos adjuvant, quantum nos verba adjuvare possunt, veneranda et amplectenda nobis sunt; ubi vero deficiunt verba, sicut verba, cum gratia ejus qui nominatur et benedictione, pertransuenda sunt. Cum enim dicitur *e* gignens, genitus, et ab utroque procedens; Pater, Filius, Spiritus sanctus, *e* verba sunt seu nomina divinæ veritatis plena; sed in eo quod etiam rerum humanarum aliquam prætendunt significacionem, a terrenis et humanis parum nos sublevantia, nisi cum illa dicuntur, quæ fidei sunt intus cogitentur; scilicet in generatione et nativitate illa, et processione, nihil esse activum, nihil passivum, nil temporale, nil locale, nil differens vel separabile; sed idipsum et unum Deum. Alterum enim ibi esse de altero, alii nativitas, alii processio est: æternum esse de æterno, coæternitas trium; et alterius ab altero seu æterna nativitas, seu æterna processio est. Ubi cum Filius nascendo a Patre gignitur, et Spiritus sanctus, a Patre et Filio procedit, nequam alter ab altero recedit. Æternaliter enim et incommutabiliter est Pater in Filio, et Filius in Patre, Spiritus sanctus in Patre et Filio, et ipsi in ipso, veritate unius divinæ essentiae; et est Filius de Patre, et de Patre et Filio et Spiritus sanctus, veritate Trinitatis et personarum singularitate. Ipsa ibi Trinitas est, quæ unitas; unitas quæ Trinitas: nec minus aliquid est una persona summa illius Trinitatis, quam Trinitas tota; non plus tota Trinitas, quam una in Trinitate persona. Neque Pater ut haberet Filium minuit semetipsum; sed ita genuit de se alterum se, ut totus maneret; et tantus D ecessat in Filio, quantus in se. Similiter Filius integer est de integro, tantus in Patre, quantus de Patre; semper in Patre, semper de Patre; non minuens eum nascendo, nec augens habendo: et sicut Filius de Patre et cum Patre; sic Spiritus sanctus de utroque est, et cum utroque; nisi quod Filius nascendo est de Patre, ille procedendo de Patre et Filio. Sicut enim Filio a Patre esse, et hoc esse quod est ille, natum semper esse est; sic Spiritui sancto a Patre esse et a Filio, et hoc esse quod illi sunt, æterna processio est. Hoc ergo modo prædicandus est Trinitas Deus, si tamen modus illius in illo est, a quo et sub quo modus omnis est: et habent se alter ad alterum; si tamen habitus ibi

A ullus est, ubi nihil habet Deus, nisi quod est. Et haec sunt, quæ ut capiantur ab hominibus, proferenda ad homines vestiuntur nomine Trinitatis seu trium personarum, seu mutuarum ad invicem relationum, ut quocunque modo ab hominibus capiantur, quod de Deo pene ineffabiliter prædicatur. Rerum enim diuinarum intellectus, quarum hec signa videntur esse, non tam per hæc datur, quam ad intelligentium de Deo quod cupimus, forma hac sanctorum in fide verborum informamur et nutrimur. Ut ergo jam de relativis quod cœpimus prosequamur, dicuntur ad invicem tres personæ relative, sed extra regulam et ordinem relativorum; quia non secundum accidens. Dicuntur enim ad aliquid, sicut Pater ad Filium, et Filius ad Patrem.

Quod nequaquam in Deo secundum accidens intelligitur. Quod enim Pater dicitur Pater, et Filius dicitur Filius, æternum eis et incommutabile est. Semper enim Pater Pater est, et Filius semper Filius est. Et non ita esse semper, quasi ex quo natus est Filius, vel ex eo quod Pater nunquam esse desinat Pater, et Filius nunquam desinat esse Filius; sed ex eo quod semper natus est Filius, nec Pater aliquando cœpit esse Pater, nec Filius cœpit esse Filius. Quod si aliquando cœpissent esse, aut desinerent, secundum accidens diceretur. Et tamen relative dicuntur non solum Pater ad Filium, et Filius ad Patrem; sed et Spiritus sanctus ad Patrem et Filium, et illi ad ipsum, inquantum eorum Spiritus est; et ipse procedit ab eis, et ipsi eum emittunt. Quod etiam iam supra breviter perstrinximus, hic plenius dicendum est judicet omnis quæ de hujusmodi judicare potest, quam sit contra omnem rationem, et usum omnium relativorum, quod dicimus. Omnis essentia quæ relative dicitur, est etiam aliquid, excepto relativo suo, sicut homo dominus, et equus jumentum. Homo enim et equus ad se dicuntur, et essentiae sunt; dominus et jumentum ad aliquid relative dicuntur. Si non essent homo et equus aliqua substantia, non essent qui relative dicerentur dominus et jumentum. Quapropter si et pater non est aliquid quod dicatur ad semetipsum, et filius similiter; non sunt omnia, qui relative ad invicem dicuntur. Sed homo dominus, et homo servus cum ad invicem dicuntur, duo homines sunt. Deus autem Pater et Deus Filius, non duo dii, sed unus Deus sunt. Tamen revera cum Pater non sit Filius, et Filius non sit Pater, et Spiritus sanctus ille qui etiam donum Dei vocatur, nec Pater sit nec Filius, tres utique sunt. Ideoque pluraliter dictum est: *e* Ego et Pater unus sumus (Joan. x.). Non enim unus est dixit, quod Sabelliani dicunt; sed unus sumus. Cum ergo quadratur de Patre et Filio et Spiritu sancto, quid sint, qui sint, si tres aliqui, si tria aliqua, exceptis relativis, quibus ad invicem sunt, quid dicemus? Exceptis enim relativis, cum nulla apud homines nominis trium illorum, sive propria, sive communia inventiantur, non sine causa hoc esse tales pia intergit.

sed ineffabile esse id de quo agitur intelligens, ad cognitionem divinitatis ex cogitatione humanae ignorantiae magis eruditur. Communia vero nomina sunt, cum dicitur tres homines; propria, cum dicitur Abram, Isaac et Jacob.

Hic autem nil occurrit praeter naturam vel essentiam summi boni, quod profecto si summum est, non tria sunt, sed unum est; et nomen ejus, & Deus, & quod non nisi unus nomen est, quia non nisi unus Deus est. Hoc autem illud unum est, de quo Dominus dicit: « Ego et Pater unum sumus. » Unum vero illud solidum ac divinum nequaquam ex differentiis est, quod neque ex partibus constat, neque in partes dissolvi potest. Licet enim ipsa ibi sit Trinitas quae unitas, et unites quae Trinitas; nequaquam tamen significat ibi nomine unitatis sub nomine Trinitatis, quasi numerosam triplicitatis conjunctionem, sed inseparabilem divinæ essentiae simplicitatem. Propter quod etiam tres personæ, quæ in Trinitate inseparabili dicuntur, a se invicem quovis modo separabiles dici, fas omnino non est, non magis quam ipsam Trinitatem. Trinitas enim inseparabilis dici non debet, si tres illæ personæ aliquatenus valent separari. Tres enim personæ etsi non possunt simul dici; non tamen nisi simul debent intelligi. Hoc enim vere inseparabile dicitur; quod nullatenus recepit separationem. Quod si quisquam separari posse putat tres in Trinitate personas, non Trinitas separabilis dicenda est, sed unitas. Quippe in personis constat Trinitas, in natura unitas. Natura enim Trinitatis, quae sola est ubique tota, sicut ubique habet suum esse et unum et totum; sic separationem non potest recipere personarum. Nominantur quippe ibi personæ ipsæ singulariter; sed ita se volunt Trinitas ipsa inseparabilem ostendere in personis, ut nullum ibi nomen sit, quo sic nominetur quelibet persona, ut non aut tribus naturali unitate conveniat, sicut cum dicitur potens, sapiens, bonus, et cætera hujusmodi; aut alteram ad alteram referri, etiam in ipso singularitatis nomine demonstraret, sicut cum dicitur, « Pater, Filius, Spiritus sanctus. » In relativis enim nominibus nequaquam sic una persona singulariter dicitur, ut non ad alteram ipso suo nomine referatur. Relativo quippe vocabulo sic una persona singulariter dicitur in se, ut non dicatur ad scilicet alia. Idecirco relatio ipsa vocabuli personalis personas separari vetat, quas cum simul nominat, simul etiam insinuat. Cum enim dicitur « Pater, » intelligitur pariter et Filius, cuius est Pater; enim dicitur « Filius » intelligitur et Pater, cuius Filius est. Cum vero Spiritus sanctus « donum » dicitur, sicut « Verbum » Filius ad dicentem, sic et « donum » ad donantem inseparabiliter refertur.

Sciendum etiam de relativis, quia cum nomina Patris, et Filii, et Spiritus sancti propria eorum sint nomina, singulorum singula: et propriæ etiam sint quedam singulorum operationes, sicut Patris quod genit, Filii quod genitus est, Spiritus sancti quod ab utroque procedit, et alia his similia; in his

tamen propriis nulla est naturæ illios separatio, sed personalis agnitus. Dicuntur enim singulariter tres personæ, ut cognoscantur, non ut separantur; in quibus sic nulla est separatio, sicut nulla eis inesse potest confusio. Neque, inquam, quisquam separabiles in aliquo eas audeat dicere, cum nullam ante aliam, nullam post aliam, nullam sine alia, vel existente, vel operantem valeat inventire, vel debeat cogitare. Ubi sicut nulla potest esse separabilitas operis, ita naturaliter manet unitas incomunitabilis. Verbi gratia, formam quam unigenitus Deus assumpsit, tota Trinitas fecit: quam tamen certum est a tota Trinitate factam ad solam Filii pertinere personam. Neque enim sicut est totius Trinitatis operatio; sic illa tetius Trinitatis inventur acceptio. B Etenim proprietas personalis, quia non ipse est Pater, qui Filius neque Spiritus sanctus est, qui Pater aut Filius, ostendit aliquid a Patre et Filie factum: quod tamen a solo Filio inventur acceptum. Similiter de voce Patris in baptismo intelligendum est, dicentis: « Hic est Filius meus dilectus (Matth. iii): » similiter de columba et igne, in quorum specie super Dominum et super apostolos Spiritus sanctus visus apparuisse. Cujus rei exemplum nullum in creaturis potest inveniri; quia excepta Trinitate, quae Dominus Deus est naturaliter, nulla est natura quæ possit in se habere tres inseparabiles personas. Sic ergo duæ istæ prædicationes, essentialis et relativa, de Deo Patre, et Filio, et Spiritu sancto, cum altera se habeat circa ea quæ ad se sunt, servando ubique unitatem; altera circa id quod ad invicem sunt, prædicando Trinitatem, contrariae sibi esse videntur. Sed in hoc magis convenienter et amica charitate in unitate pacis illius quæ exsuperat omnem sensum se complectuntur, cum et essentialis prædicatio unum Deum dicit, et tres personas non contradicit; et relatio tres personas relative se habentes ad invicem dicit, sed tres deos dici omnino contradicit. Sicque semper unaquæque sine injurya alterius prædicat quod suum est, ut neque id quod suum est deserat, neque interturbet in aliquo quod alterius est; et ex utroque constet, quod catholicæ fidei est, scilicet ratio fidei, ipsam prædicans unitatem, quam Trinitatem; ipsam Trinitatem, quam unitatem; unum Deum. Sunt autem et alia nomina relativa, quibus relative dicitur Deus, sicut cum Deus Pater principium divinitatis relative principium dicitur ad Filium, qui de ipso est; et simul cum Filio ad Spiritum sanctum, qui de ipsis est.

Unum enim sunt principium Spiritus sancti, Pater et Filius, sed principaliter Pater, quoniam et hoc Filius a Patre nascendo accepit, ut cum Patre unum et ipse principium Spiritus sancti sit. Ubi vero principaliter hoc esse dicitur Pater, non anterioritas temporis, non præcessio seu gradus intelligentius est dignitatis, non majoritas seu minoritas majestatis; sed innuitur quis de quo sit, seu quis ad quem, et quid ad quid, in natura illa consubstantialis Trinitatis. Pater enim ex nullo originem du-

cens, origo divinitatis est. De ipso vero habet Filius, A quod nascendo ab eo accepit, ut naturali essentia unum cum ipso sit. Ab ipso etiam et a Filio, sed principaliter, ut dictum est, ab ipso Patre est Spiritus sanctus : qui procedendo ab utroque, commune habet cum utroque ut sit, quod illi sunt. Dicitur etiam Filius relative « Verbum » Patris dicentis, sanctus quoque Spiritus « donum » Dei donantis. Ubi, sicut enim dicitur « Pater et Filius », nequaquam cogitanda est posteritas derivativa gignentis et geniti, sed alterius nativitatis secretum ; sic nec cum dicitur « Verbum » Dei, aestimandum est verbum prolativum, sed consubstantiale dicenti et coeternum ; sic nec cum dicitur Spiritus sanctus « donum » Patris et Filii, cogitanda est quasi conditio dati, et dominatio dantium, sed concordia dati et dantium.

Singularis enim relationis illius ratio est, ut licet inaequales ibi videantur relationes, sicut Patris ad Filium, dicentis ad Verbum, doni ad donanteum ; summa tamen ibi aequalitas sit, cum unum sint, alter et qui de altero est, et unus qui de duobus, et duo de quibus unus est. Ubi cum a recte de Deo scientibus et pie cogitantibus, illud unum, de quo Dominus dicit: « Ego et Pater unus sumus (Joan. x.) », nullus inveniatur primus, vel medius, vel novissimus ; oportet tamen ut ibi tres distincte dicantur ; quos etiam necesse est prouinciari suo ordine, ut quis de quo sit intelligatur. Primoque loco ponitur Pater qui genuit, secundo Filius qui genitus est, tertio Spiritus sanctus qui ab utroque procedit. Quod etiam in operatione divinitatis, seu cooperatione Trinitatis, que cum relatione trium personarum magnam videntur habere cognationem, providentissime animadvertendum est, sicut verbi gratia in eo quod Apostolus dicit: « Ex quo omnia, per quem omnia, in quo omnia, ipsi gloria in seculo seculorum, amen (Rom. xi.) ». Ubi cum a Patre per Filium in Spiritu sancto condita omnia commemorari videantur, tamen in diversis prepositionum appositionibus nulla intelligenda est diversitas operationis, sed simplex cooperatio. *A*equo enim ex Patre et ex Spiritu sapienter sunt omnia, sicut ex natura omnium creatrice, *a*equo per Patrem et per Filium, et per Spiritum sanctum, sicut per Deum omnium omnipotentem; *a*equo in Patre et Filio et Spiritu sancto, sicut in Deo omnia continentur.

In hujusmodi vero positionibus trium personarum, vel prepositionum appositionibus tantummodo intelligenda est personalis adnotatio Trinitatis; sic tamen ut omnia recolligantur ad intelligendam in Trinitate veritatem divinæ unitatis, subjungente continuo Apostolo ac dicente: « ipsi, inquit, non, ipsis. » Que tamen singula singulis distribuuntur, cum ex Patre dicuntur esse omnia, ex quo principaliter est omnis creatura; et per Verbum quo ipse dixit, et omnia facta sunt; et in Spiritu sancto, qui Patris et Filii bonitas est, continens omnia. Nam et quod cooperari dicuntur, quorū, sicut una esentia, sic una operatio est, cooperari dicuntur in

eo quod tres sunt; et una eorum operatio est, in quantum unum sunt. Unde et Dominus in Evangelio dicit: « Non potest Filius a se facere quidquam, nisi quod viderit Patrem facientem. Quaecunque enim Pater facit, haec et Filius facit. Pater enim diligit Filium et demonstrat ei omnia quaecunque facit (Joan. v.) ». Videlicet enim Filio Patrem, hoc est esse, quod ille est; videre operantem, cooperari est. Item: « Omnia per ipsum, » hoc est, per Verbum, « facta sunt (Joan. i.) ». Ubi sicut cooperatio intelligitur, in eo quod Pater et Verbum duo sunt; sit simplex intelligitur operatio, in eo quod dicitur Denique omnia fecisse per Verbum suum, hoc est, per id quod unum sunt, ipse et Verbum suum. Quod tamen intelligendum est, de eo quod fit, vel quod factum est, hoc est de creatura, quae vel fit ab eo, ut sit quae non erat; vel aliquid fit circa eam, ut facta subsistat. Quod enim in Creatore omnium Deo non fit, sed est; secundum estimationem creaturæ habendum est. Scilicet genuit Pater, quod Filius non facit; genitus est Filius, quod non facit Pater, qui genuit. Sed hoc non est factura, sed sufficientis omnia divinitatis essentia. Nam et, cum Verbum caro factum est, tota Trinitas cooperando fecit, id quod solum Verbum factum est, carnem scilicet, quae facta, a solo verbo in unitate personarum assumpta est, in quo temporaliter factum dicitur Verbum, quod Deus apud Deum est. Sed et vocem Patris, quae super Dominum auditam est, dicens: « Hic est Filius meus dilectus (Math. iii.) », tota Trinitas fecit, quamvis a solo Patre inserviat, et columbam in qua super Dominum Spiritus sanctus apparuit. Haec enim omnia temporaliter facta sunt; nec aliter de eis aestimandum est, quam sicut sunt. Diximus quae potius, de nominibus divinis, quae sive secundum substantiam, sive relative in Deo dicuntur; et de relatione ipsa, qua juxta nominum ipsorum proprietatem ad invicem dicuntur Pater, et Filius, et Spiritus sanctus, haurientes quaecunque diximus, non de fontibus nostris, sed de fontibus Salvatoris, ex Scripturis sanctis, et certissimis auctoritatibus sanctorum Patrum, investigantes aliquam rerum cognitionem ex indiciis nominum suorum. Nomina autem ipsa recentia quidem sunt apud homines in praedicatione fidei; nomina, inquam, non res nominum, Res enim nominum horum, non tam coeterae Deo, quam Deus sunt. Nam et ipsum nomen Dei, quid est, vel unde dictum est? Aut quis hoc nomen imposuit Deo? Inferiori enim, ab eo qui supra ipsum est, solet imponi nomen. Quid ergo est, quod summa illa maiestas tam communius et generali omnium sententia ab omnibus prorsus hominibus dicitur Deus?

Vox quedam est naturalis in homine timoris, ad summam essentiam qua utecumque de ea edicit, quod sit, volens nec valens edicere, quid sit. Nam et a Graeco quod dicitur Θεός, quod timorem significat, dicitur Deus. Significat autem naturalem, ut dictum est, timorem hominis a summam essentiam, nomen ei-

imponere non audentis, et tamen rem, cui, nullum nomen aptum est, potius quodam humanae vocis usu, quam aliqua nominandi proprietate utcumque significantis. Hinc vanus est, quod cum de eo sibi volumus, nec valamus, de compendio infasabilem nominamus, et invisibiliter quem non possumus videre; et sic de eo qui supra omnem sensum et intellectum est, minus diendo plus dicimus.

Porro cum, sicut jam supra dictum est, omnia nomina divina sint unum, intelligendum est nomen Domini Dei nostri esse aliquam ejus notitiam, quae omnibus his nominibus utcumque commendatur fidelibus, et qua quando vult, innotescit quibus vult, et quo modo vult. Hoc namque nomen est, quod praecipit auxiliaribus moniti, et divina institutione formati, quotidie a Patre nostro qui est in celis oramus sanctificari in nobis. Quod tunc sanctificatur in nobis, cum ex sensu vite, qui in nomine ipso est, ipse qui nominatur, sanctificando non innotescit nobis; cum, seu in loquendo de Deo, seu in orando eum, in Spiritu sancto nominatur a nobis eo nominandi modo, quod dicit Apostolus: « Dominus Jesus, in Spiritu sancto (1 Cor. xii). » Nam et quicunque hoc modo nomen Domini invocaverit, salvus erit (Rom. x); et: « Sperant in eo quicunque noverunt hoc nomen ejus (Psal. ix) : et gloriantur in eo, qui diligunt nomen ejus (Psal. v) : et desiderant judicari secundum iudicium diligentium nomen ejus (Psal. cxviii). » Quod illi, cum invocantibus eis qui sic sunt, nomen Domini, gratia interius operante, res nominis dulcescitur in corde, et nomen sapit in ore; cum Dominus invocatur, qui jam in affectu invocantis dominatur: cum in Spiritu sancto clamatur Deus: « Abba, Pater, » et conscientia sua testimonium perhibet clamanti, quod sit Filius Dei. Quod et de reliquo Domini nominibus intelligendum est. Nullum quippe nomen Dei est, quod non secundum formam sui similem gratiam spiret invocanti. Hoc enim est nomen novum, quod in Apocalypsi victori mundi bujus promittitur, scriptum in calculo novo, non stylo ferreo, sed digito Dei (Apoc. ii).

Calculus quippe totus teres et rotundus catholica fides est, quam qui rodere voluerit, non invenit ubi dentem figat. Huic inscribitur nomen Domini novum, hoc est, innovans fideliter nominantem, cum forma fidei spiritualis Dei notitia informatur. Hoc autem fit, cum fides incipiens operari per dilectionem, incipit etiam ipsa formari in dilectionem, et per dilectionem in intellectum, et per intellectum in dilectionem, seu in intellectum simul et dilectionem. Difficile enim est homini sic affecto discernere quid de quo, cum jam in corde credentis et intelligentis et amantis tria haec unum sint, ad similitudinem quandam suminæ Trinitatis. Sed exteriorem nunc fidei rationem de Trinitate, et publicam ejus formam investigare suscepimus, quam formatam in interiori homine nostro post modum ejus erit vivificare, de quo legitur, quod et formavit Deus homi-

A nem et primo et ad imaginem et similitudinem suam (Gen. 1); et deinde vero et inspiravit in faciem ejus spiraculum vitæ, et factus est in animam viventem (Gen. 2). Attentato ergo et attractato paululum, quantum licuit, quantum Dominus dedit, quod de divinis nominibus attingere potuimus, non nostris, sed sanctorum Patrum sensibus innitentes, cum timore adhuc et tremore procedimus, ut procedamus et ploreamus, Trinitas sancta, coram te Domino Deo nostro, qui fecisti nos, et in hoc ipsum efficies nos orantes et obscurantes, ne nos errare permittas aliquatenus in contemplatione vel fidei forme ejus, cui conformari et nos ambimus, et tu præcipis nobis in omnibus Scripturis quæ de te sunt: ut sicut tres unum estis, ita et nos per virtutem fidei qua hoc credimus, unum efficiamur in vobis (John. xvii).

Forma ergo fidei cui serviant opinia, quicunque supra diximus, haec est, sicut jam saepè diximus, Patrem Deum, Deum Filium, Deum Spiritum sanctum; et tamen non tres deos, sed unum Deum. Nez lineamentis spatiosque membrorum haec Trinitatis et unitatis forma distenditur; nec Pater Filium localiter in se suscipit manente, nec Filius Patrem in se habitantem; aut evanescunt Pater et Filius, eum Spiritum sanctum emittunt ad illustrandam omnem creaturam suam. Tres quippe sunt, sed non disjuncte; unum sunt, sed non confusæ: sed, cum tres sint, unum sunt; cum sint unum, tres sunt: tres propter Sabellianum, unus propter Arianum. Nec in uno Deo est Trinitas ipsa, sed Trinitas ipsa Deus est; nec Deus est in Trinitate, sed Deus ipsa Trinitas est. Neque enim Deus amplius aliquid quam Trinitas ipsa est; nec Trinitas aliud quam unus Deus est. Cum ergo ad constandum Patrem, et Filium, et Spiritum sanctum aciem mentis intendimus, procul ab animo formas rerum visibilium, et actas temporalium naturarum; procul loca corporum et corpora locorum repellamus. Discedat ab anima quod in spatio distenditur, quod sine clauditur, et quidquid nec semper est ubique, nec ubique totum. Denique cogitatio de Trinitatis Deitate concepta, nihil per distantiam intelligat, nihil per gradus querat; ac si quid Deo dignum senserit, nulli hoc ibi audeat negare personæ. Omnibus enim existentia gradibus exclusis, una est et incommutabilis in Trinitate divinitatis substantia, indivisa in opere, concors in voluntate, par in omnipotentia, æqualis in gloria, simul implens omnia, et continens universa. Que sic in tribus confinda est personis, ut et unitatem servet unius essentiae inseparabilis æqualitas; et soliditudinem non recipiat Patris et Filiæ et Spiritus sancti Trinitas. Solus quippe Deus est, Pater, et Filius, et Spiritus sanctus, præter quem aliud Deus non est: sed non est solus aliquando Deus Pater, qui semper ad Filium est, quod est; nunquam solus Filius, qui semper ad Patrem est; nunquam solus Spiritus sanctus qui semper ad Patrem et ad Filium est.

Nec tamen triplices dicendus seu æstimandus est Deus, qui eum sit unus in tribus personis, totus ta-

men est in singulis. Nihil enim ibi triplicitas involvit, vel unitas confundit; quia divinus quidam numerus ab omni prorsus numerali differentia remotissimus, sic ibi efficit eam, quae ibi est, Trititatem, ut forma simplicis Deitatis alienam ab ea faciat omnem triplicitatis confusionem. Nec alicubi forma haec, nisi ibi est, ubi numerus est super numerum, quo tres unum sunt, et unum tres. Nec querat homo mortalis humana ratione investigare modum, quo haec de Deo supra humanum modum dicuntur, cum tu, Domine Deus noster, nulla ratione nullummodo cogitandus sive credendus sis subditus esse ulli modo: sub quo et a quo potius est omnis modus, quo est quidquid est, seu esse possibile est: tu vero et essentia tua, ipsa tibi et causa et medus existendi es. Idecirco qui sic es, investigabile totus profundum es, et imperscrutabile; totus autem, non ut per hoc diffinitus in modo, sed ut intelligaris, sicut intelligi potes, in immenso. Videbunt hoc in futura vita te fruendo, quos hic dignos feceris credendo, ubi videbunt te facie ad faciem sicuti es, et videndo efficietur sicuti es. Sic enim promisit nobis dilectus apostolus tuus Joannes: « Similes, » inquit, « ei erimus; quoniam videbimus eum sicuti est (*I Joan.* xii). » Ibi qui te videbunt, non mentientur ultra, nec fallentur; nec dubiae ultra erunt visiones eorum, nec cogitationes ab aliis in illa transeuntes, et euntes, et redeuntes; sed omnem scientiam suam, quae non nisi de te erit, o veritas Deus, uno simul cernent intuiti. Nos enim visio illius contemplationis, seu contemplatio illius visionis, a Patre transibit ad Filium, a Filio ad Spiritum sanctum; non in tres dividetur, nec colligetur in unum, sed beata perpetuitate, et perpetua beatitudine non jam querentes sed fruentes contemplabuntur te unum et verum Deum, Patrem, et Filium, et Spiritum sanctum viventem in saecula saeculorum. De Deo Patre proprio dictum videntur, quod Dominus dicit: « Neinō bonus, nisi solus Deus (*Luc. xviii*). » Et illud: « Ut cognoscant te solum ac verum Deum (*Joan. xvii*). » Et quod Apostolus dicit: « Regi autem saeculorum, immortali, invicibili, soli Deo honor et gloria (*I Tim. i*). » Item: « Beatus ac solus potens Rex regum et Dominus dominantium; qui solus habet immortalitatem, et inhabitat lucem inaccessibilem: quem nemo hominum vidit, vel videre potest (*I Tim. vi*). » Sed haec et hujusmodi sunt, quae proprie de Deo dicuntur; quae non ita sunt propria Patris, quasi minus in aliquo propria sint Filii et Spiritus sancti. Etenim consubstantialiter, sunt Pater, Filius et Spiritus sanctus; sed principaliter Pater, non principaliter quasi præcipue, vel principalitate aliqua seu temporis seu dignitatis, sed originis.

Est enim Deus Pater quasi fons quidam et origo divinitatis, principium Filii et Spiritus sancti, qui ab ipso sunt, ab ipso habentes esse, quod sunt. Sed cum sit Deus Pater principium Filii, et principium Spiritus sancti, et tres sint principium omnis creature; absit tamen ut tria vel quatuor principia esse

A credantur Pater, Filius et Spiritus sanctus: qui sic unum sunt principium, sicut unus Deus. Neque enim dicendum est Pater principium principii, in eo quod Filius, cuius ipse principium est, principium est cum ipso Spiritus sancti: sed sic ibi intelligendum est esse principium de principio, sicut Deus de Deo, unus Deus, unus principium, Pater Filii, et eum Hoc Spiritus sancti, et cum Filio et Spiritu sancto omnis creatura. Oramus etiam Deum Patrem et adoramus, et gratias ei agimus semper non sine Filio et Spiritu sancto; et tamen per Filium, sicut per mediatorem Dei et hominum Dominum nostrum Jesum Christum, in Spiritu sancto Paracletu nostro, et ad vocato orationum nostrarum apud Deum; sine quo nec quenadomini nos eportem orare, scimus, nec orantes exaudimur. Cum autem oramus Patrem per Filium in sancto Spiritu, sicut alium per alium in alio, nonnisi unum Deum oramus in nullo differentem a Deo, sed fiduciam habemus ad Deum quem oramus, non quasi ex nobis, sed ex justitia quae est per fidem Domini nostri Iesu Christi, et exaudibilis efficietur per consolantem ac vivificantem nos interius gratiam Spiritus sancti. De Filio dicitur: « In principio erat Verbum, et Verbum erat apud Deum; et Deus erat Verbum (*Joan. i*). » Ubi cum dicitur, « erat, erat, erat, » de eo quod semper est hoc primo est intelligendum, quia non refert quomodo in Deo tempora pronuntiantur, cum nullum inveniatur tempus, quo congrue significari possit, quod dicitur, id est aeternitas. Ubi eum dicitur: « In principio erat Verbum, » signatur Patris et Filii coeternitas, in eo quod « Verbum erat apud Deum, » personarum veritas, in eo quod « Deus erat Verbum, » Verbi ad dicendum consubstantialitas. Dicitur quoque Filium esse de Patre, quae est divina nativitas, sempiternumque esse Filium de sempiterno Patre, quae est divine nativitatis aeternitas.

C Et natus enim, et semper natus intelligendum est Dei Filius: natus, ne qualibet modo imperfecta pertetur illa nativitas; semper, ut nativitatis ipsius ipsa sepe predicit aeternitas. Natus enim pertinet ad perfectionem, semper ad aeternitatem, ut quocunque modo illa essentia sine tempore temporali valeat designari sermone. Filius est, quia vere natus est Deus de Deo, vera sed divisa et imperscrutabilis et inenarrabilis nativitate. « Generationem enim ejus quis enarrabit? » (*Isa. lxx.*) Non tamen refugimus praedicare in Deo verum nomen generationis et nativitatis, sicut Manichaei, sive quidam Ariani, qui creaturam esse dicunt Filium Dei; sed credimus et profitemur natum de Deo Deum; unumque esse eum qui genuit, et eum qui genitus est. Sicut autem Filius, Filius dicitur gignentis, sic et Verbum dicentis, ut multis modis utique dicatur, quod nullo edici modo potest. Verbum enim Dei magno occultoque mysterio apud bonimes humani verbū et nomen gerit, et aliquam similitudinem. Est enim in homine in interiori cordis ejus verbum aliquod de quacunque re con-

ceptio aliqua veritatis, sine voce, sine syllabis, sine forma aliqua.

Sicut autem verbum hominis ut manifestetur sensibus hominum, vox quodammodo sit, assumendo eam; sic Verbum caro factum est, assumendo eam in qua manifestaretur hominibus. Et sicut verbum hominis sit vox, nec mutatur in vocem; ita et Verbum Dei factum est caro: sed absit a fide fidelium omnium, ut credatur mutatum in carnem. Factumque caro Verbum Dei factum est nobis et verbum doctrinæ, non humanæ, sed divinæ, docens nos de compendio implere omnem legem dicens: « Diliges Dominum Deum tuum in toto corde tuo, et in tota anima tua, et ex tota mente tua: et proximum tuum sicut te ipsum» (*Deut. vi.*). » Deinde: « In his » inquit, « duobus mandatis tota lex pendet, et prophetæ» (*Math. xxii.*). » Deinde tota vita ejus in terris per hominem quem suscipere dignatus est, doctrina et disciplina morum fuit. Divitias, honores, voluptates, et omnia quæ habere cupientes non recte vivebamus, carente et docendo vile fecit; paupertatem, contumelias, injurias, dolores, mortemque corporis, et omnia quæ vitare cupiendo a studio bene vivendi solent homines deviare, perpetiendo dejectit. Docuit etiam carnales homines sensibus carnis deditos, nec valentes mente intueri veritatem, quam excusum locum inter creaturas haberet humana natura, in eo quod hominem assumendo, Verbum Dei ex duabus naturis factum est una persona. Hinc enim est, quod dicit Propheta: « Misit verbum suum, et sanavit eos; et eripuit eos de interitionibus eorum» (*Psal. cxvi.*). » In qua tamen missione duo sunt, quæ subtilli pensanda sunt, scilicet ne missio Filii a Patre quasi separabilis intelligatur, aut temporalis. Nam cum hoc a Patre et Filio fieret, ut Filius in carne appareret, congruenter dictus est missus ille, qui in carne apparuit; missus autem ille, qui in ea non apparuit, quoniam ea quæ coram corporis oculis geruntur foris, ab interiore apparatu naturæ spiritualis existunt; et propterea convenienter missa dicuntur; porro forma illa suscepti hominis Filii est, non etiam Patris.

Quapropter Pater invisibilis una cum Filio secum invisibili eundem Filium visibilem faciendo, missus cum dicitur. Qui si eo modo visibili fieret, ut cum Patre invisibilis esse desineret, id est, substantia invisibilis Verbi in creaturam visibilem transiens mutaretur; ita missus a Patre Filius intelligeretur, ut tantum missus et non mittens inventretur. Cum vero ita accepta est forma servi, ut maneret incommutabilis forma Dei; manifestum est, quod a Patre invisibili et ab invisibili Filio, et ab invisibili Spiritu sancto factum sit, quod appareret in Filio, id est; quod ab illis invisibilibus visibilis ipse mitteretur. Servilem enim formam, quam unigenitus Deus assumpsit, tota Trinitas fecit; sed licet sit in ea totius operatio Trinitatis, acceptio tamen ejus solius Filii est, non totius Trinitatis. Quod si in Christo una suisset facta natura divinitatis et carnis, totius ex

A hoc crederetur incarnatio Trinitatis. Sed natura in Christo est una, quam invenitur unigenitus Dei inseparabilem quidem habere cum Patre et Spiritu sancto; propriam vero habet humanitatem suam, cum qua divinitas ejus non unam naturam, sed unam invenitur habere personam. Sed neque temporalis credenda est missio Verbi; cum in ipso Verbo, in ipsa sapientia Dei ab æterno sine tempore fuerit tempus, quo filiam in carne apparere oportet. Quæ plenitudo temporis cum venisset, hac ratione dicitur Deum mississe Filium suum, ut cum esset Deus et homo, sicut in utroque nasceretur, sic non coactus sed sponte moreretur in utroque. Passa enim est divinitas cuncta quæ carnis erant in carne; quia passibilem carnem cum humanis affectibus Deus suscepit; non tamen compassa est eum carne, quia impassibilis semper in sua natura divinitas permanuit. Idem enim erat Deus, idem homo. Nam et hoc certissima fide discernendum ac tenendum est; quia, sicut in Trinitate quæ Deus est, tres consistemur personas, unam naturam; sic in Domino Iesu Christo duas debemus naturas intelligere, et unam personam.

B Et sicut inseparabiles in natura divinitatis necesse est credi tres personas; sic] in persona Christi duas naturas. Credimus ergo Dei Filium sine aliquo nativitatis suæ initio de Patris substantia genitum, Deum de Deo; non ex nihilo, quia de Patre; non nuncupativum, sed nomen habentem ex veritate naturæ. Quid enim prodest Filio, ut nuncupetur unigeniti nomine; si privatur nominis veritate? Frustra namque unigenitus dicitur, si in ejus generatione non naturalis de Deo generante veritas, sed ex donante largitas prædicatur. Et aliis eni, quotquot repperunt eum, credit potestatem filios Dei fieri. Sed in illo sempiternæ nativitatis arcano sempiterminus atque immutabilis Pater alterum genuit, non diversum: et quantum generando protulit, tantus ipse permansit. Personaliter distinxit a se, quem naturaliter totum habet in se. Ille igitur ineffabilis de Patre sine initio natus, postquam venit plenitudo temporis (*Galat. iv.*), ut missus a Patre fieret ex muliere, totus regnans in sinu Patris, totum semel ipsum formans in sinu matris, totus venit in uterum virginis. Neque enim pars ejus remansit in Patre, et pars ejus venit in Virgine, cu[m] totus in Patre maneret, quod erat; et totus in Virgine fieret quod non erat. Sic ergo verus Deus ac summus totum hominem in se accepit: et sic plenitudo divinitatis veritate divinæ humanæque substantiae inconfusibiliter permanente semetipsam pleno coniunct homini, ut unitate deinceps manente persona, nec homo Christus a sua divinitate, nec idem Deus Christus a sua possit humanitate disjungi. Haec enim personæ inseparabilis unitas, in qua Deus et homo natus est Christus, fecit, ut et homo Christus per gratiam nasceretur ex Deo, salva veritate ac plenitudine humanæ naturæ, et idem Deus Christus voluntarie pateretur in carne salva impossibili ple-

nitudine divinæ substantiæ. Quapropter divinitatem Christi, quam immutabilem sancta Scriptura commendat, sic passam fatemur in carne, ut tamen credamus eam non compassam fuisse cum carne. Ideo enim in carne Deus passus est; quia passibilem carnem accepit. Ideo autem carni compassus non est: quia in carne patiens impassibilis divina natura permansit. « Spiritus Deus est, » ait Dominus (*Ioan. iv.*). Spiritus est Pater, Spiritus Filius, Spiritus qui dicitur Spiritus sanctus; et tamen non tres Spiritus sunt, sed unus Spiritus, de quo Dominus dicit: quoniam « Spiritus est Deus, » sicut non sunt tres dii, sed unus Deus. Cum autem unusquisque eorum sit Spiritus, et utique sanctus, Spiritus sanctus qui communis est duorum, et proprie censetur eo nomine, quod commune est amborum, sicut ipse commune est amborum quidquid commune est eorum, divinitas eorum, charitas, suavitatis, beatitudo, et cælera.

Sicut enim Filius a Patre est nascendo, sic Spiritus sanctus a Patre, et Filio procedendo; sed principaliiter a Patre cum et hoc Filius a Patre nascendo acceperit ut Spiritus sanctus procedendo de ipso æque ac de Patre sit. Nascendo quippe Filius de Patre hoc accepit ut Deus de Deo, unusque cum Patre Deus sit. Quod tamen reciprocari ad Filium ratio fidei non permittit: scilicet ut cum similiter Pater et Spiritus sanctus unus sit Deus, similiter etiam de Spiritu sancto æque ac de Patre, Filius esse intelligatur. Fieret enim a duabus partibus unius Fili nativitas confusio Trinitatis, quod a ratione fidei remotissimum est. Cum ergo sit Spiritus sanctus spiritus Patris et Filii, et ab utroque procedat, sitque charitas et unitas amborum; manifestum est, quod non sit aliquis duorum, quo uterque conjungitur, quo genitus a gignente diligitur, genitorēque suum diligit, ut sint non participatione aliena sed propria essentia, nec alterius dono sed suo proprio servantes unitatem spiritus in vinculo pacis. In processione vero qua procedere dicitur Spiritus sanctus a Patre et Filio, divina ejus coessentia ad eos intelligitur: in eo autem quod etiam in creaturam procedit, donum esse Dei declaratur. Donum enim Dei intantum est Spiritus sanctus, ut donorum Dei quæ nemō omnia habet, nemo ullum habeat, qui Spiritum sanctum non habet, quorum quicunque habet ullum non nisi in Spiritu sancto habet. Dantur autem dona

A multo per Spiritum sanctum, præter charitatem sine qua nihil sunt, nihil prosunt. Nam neque proprie dicitur Spiritus sanctus donum, nisi propter charitatem, de qua dicitur: «Charitas Dei diffusa est in cordibus nostris per Spiritum sanctum qui datus est nobis (*Rom. iv.*). » Hoc enim dono nihil excellentius, quod solum dividit inter filios regni et filios perditionis, solumque, etiam si cætera charismata non habeantur, perducit ad regnum. Nam et fides ipsa præter charitatem ut cunque potest esse, sed non potest prodesse. Solā enim protest, qua per dilectionem operatur. Sanctus enim Spiritus charitas est Patris et Filii; qua se diligunt, et unitas qua unum sunt. Illic cum datus fuerit homini, accendit eum in dilectionem Dei a proximi. Et ipsa dilectio est qua Deus charitas est; nec habet homo unde diligit Deum nisi ex Deo. Unde etiam dicitur, quoniam «Prior» Deus «dilexit nos (*Joan. iv.*); » et quia nos idcirco eum diligimus, quoniam ipse prior dilexit nos. Prior enim Deus dilexit nos, non affectu, sed effectu charitatis, comante scena la in adoptionem filiorum nos prædestinavit; in tempore vero beneplaciti sui charitatem suam per Spiritum sanctum diffudit in cordibus nostris. Neminem enim temporaliter diligit aeternus, nec efficitur, qui incommutabilis est. Ipse est Spiritus Domini replens orbem terrarum (*Sap. i*) omnipotentiæ suay bonitate, ingenti ubertate superabundantis gratie perfundens omnia pro captu et modo singulorum, ut ordines suos singula teneant, et sponte locis suis acquiescant; largiens bona, disponens utilia, piis et filiilibus impertiens divisiones gratiarum; impiis et infidelibus saepè pacem tribuens temporum, corporum sanitatem, prosperitatem rerum, de rore cœli et de pinguendine terræ abundantiam, et his similia, quæ non nunquam subtrahit sanctis ad probationem sanctitatis, et sceleratis ea et peccatoribus indulget, ad provocationem et edificationem charitatis. Ipse filii gratiæ, pauperibus spiritu, in presentis vitæ exsilio advocatus est et consolator, virtus in adversis, in tribulationibus adjutor. Ipse docens orare, quomodo oportet, hominemque Deo afficiens, et placentem et exaudibilem efficiens, illuminat intellectum, format affectum; faciens, perficiens, et solus, si solus esse potest, vel dici debet, sufficiens, sed ideo solus sufficit quia separari a Patre et Filio non potest, cum quibus inseparabiliter facit cuncta quæ facit.